

(3)
QUATRE LIVRES
DE LA GEOMETRIE
PRATIQUE.

Par D. HENRION *Mathemat.*



A PARIS.

M. DC. XX.

A
REVEREND PERE ENDIEV,
 MESSIRE HENRY DESCOVBLEAV,
 EVESQVE ET SEIGNEVR DE
 Maillezais, Abbé de Saint Iouin de
 Marnes, & Conseiller du Roy en
 ses Conseils d'Etat
 & Priué.



ONSEIGNEVR,

C'est à bon droit qu'en vos estudes vous
 auez ioinct les diuines Mathematiques avec
 la sainte Theologie, puis que les Saints do-
 cteurs de l'Eglise Iustin, Hierosme, Augustin
 & autres, resmoignent qu'il y a beaucoup de choses es saintes
 escritures, qui ne peuuent estre entendues de plusieurs par l'igno-
 rance des nombres, de la Geographie, Astronomie, & Geome-
 trie, principales parties des Mathematiques, pour la cognoissan-
 ce desquelles S. Basile est grandement loué de Gregoire Nazian-
 zene, & aussi sans elles, les Theologiens n'auoient pas ce do-
 cte commentaire sur Ezechiel fait par le pere Villalpandus de
 la compagnie de IESVS, œuvre certes remplie d'autant belles con-
 ception Theologiques que subiles demonstrations Mathemati-
 ques. Ce que i'ay rapporté, Monseigneur, à fin qu'aucun n'i-
 gnore combien les sciences Mathematiques sont viles aux Theo-

à

logiens, & qu'à vostre exemple les autres Prélats & docteurs de
l'Eglise s'adonnent tant plus volontiers à l'estude d'icelles, qu'ils
sçauront estre vtils, voire mesme necessaires pour auoir vne droi-
cte & entiere intelligence des saintes Escritures. Et iugeant que
cette Geometrie pratique leur pourroit donner quelque adresse
en ceste estude, ie me suis resolu de la laisser aller au iour esclairée
de vostre illustre nom, m'assurant que fauorisée de vos merites elle
agrera au public. Receuez donc s'il vous plaist, Monseigneur,
sous vostre protection, & l'escrit & l'auteur: que si l'un est peu
propre à vous aider aux susdites sciences, au moins croyez que
l'autre est desireux de vous tesmoigner qu'il sera à iamais

MONSEIGNEUR,

Vostre tres-humble & tres-
obeissant seruiteur,

D. HENRION.



LA
G E O M E T R I E
P R A T I Q V E.

NOus auons diuisé ce traité Geometrique en quatre parties, en la premiere desquelles sont diuers problemes, partie extraicts des plus doctes Geometres, & l'autre partie de nostre inuention, au prealable desquels nous auons mis les deffinitions des mots, & termes de l'Art.

En la deuxiesme partie sera traité de la dimation des lignes droictes, c'est à dire du moyen de prendre avec quelque instrument la distance ou interualle des lieux, la haulteur des tours, édifices, arbres, & montagnes, la profondeur des puits, vallées, & fossez; & est ceste partie appelée par les Autheurs Altimetrie: Sera aussi monstre en icelle la maniere de prendre & rapporter sur le papier le plan de quelque place ou ville, ensemble la scituation de tous les villages, & autres choses qui se presenteront à la veüe.

En la troisieme partie sera traité de la dimension des superficies, appelée par les Geometres Planimetrie.

Et en la quatrieme & derniere sera traité de la dimension des corps, appelée par les Geometres Stereometrie.

A ij

Et d'autant que les traducteurs des Elements d'Euclides de Latin en François ont traduit simplement iceux Elements, delaisant beaucoup de choses, belles & necessaires, qui se pouuoient colliger & schollier à iceux : nous auons annexé en ce traicté es lieux où nous l'auons iugé estre à propos les principaux & plus necessaires Theoremes d'Euclide, & ce tout simplement, comme si c'estoient simples Axiomes, attendu qu'ils sont demonstrez en leur lieu ; en suite desquels auons exprimé & déclaré les consequences qui se tirent de leurs demonstrations, afin de ne renuoyer ceux qui n'entendent la langue Latine (en faueur desquels auons fait ce traicté François) en vn Auteur qu'ils ne peuuent entendre, lors que nos demonstrations s'appuyeroient sur aucuns d'iceux Corrollaires ; & aussi pour ce que quelqu'un desdites demonstrations s'appuyent sur autres Theoremes que ceux d'Euclides, nous auons espars & demonstrez iceux par cy par là, où nous auons trouué qu'il estoit besoin d'iceux Theoremes.

PREMIERE PARTIE.

DEFINITIONS.

Geometrie est l'Art & science de bien mesurer ; & bien mesurer est considerer la nature ou quantité d'une ou plusieurs choses mesurables, & en comparant icelles entr'elles recognoistre quelle proportion elles ont l'une avec l'autre, & leur difference.

Le subiect de cest Art est magnitude, laquelle est une quantité continue, comprenant trois especes, sçauoir est ligne, superficie & corps.


La ligne est ce qui a longueur sans largeur, les extremités de laquelle sont points ; & y en a de trois sortes, sçauoir est droite, courbe & mixte : la ligne droite est celle qui est esgalement comprise entre ses points ;

ou bien c'est vn trait le plus court qui se puisse faire d'un point à l'autre. Mais la ligne courbe est celle qui est conduite par circuit, depuis vn point iusques à l'autre. Et quant aux lignes mixtes, elles ne sont en usage en la Geometrie; c'est pourquoy nous ne dirons rien d'icelles.

PROBLEME I.

Couper vne ligne droicte donnée & terminée en deux également.

Soit la ligne droicte AB, qu'il faut couper en deux parties égales: du point A, & de quelque interualle que ce soit (plus grande toutesfois que la moitié de ladite ligne AB) soient descript deux arcs, l'un au dessus d'icelle ligne, & l'autre au dessous; puis du point B, & du mesme interualle soient descript deux autres arcs qui couppent les deux premières en C & D; puis soit menée d'une intersection à l'autre la ligne CD, & icelle coupera ladite ligne AB en deux parties égales au point E, comme il estoit requis, dont la demonstration est faite en la 10. p. 1. d'Euclides.



SCHOLIE.

Nous ferons aussi la mesme chose avec le compas de proportion, comme il ensuit.

A iij

Soit prise ladite ligne *A B* proposée à compser en deux parties égales, avec un simple compas, & soit transférée sur le compas de proportion du costé de la ligne droite, ouvrant iceluy insques à ce que l'ouverture de 100. ou autre nombre par soit précisément la grandeur de ladite ligne, puis apres estant ledit compas de proportion ainsi ouvert, soit pris l'ouverture du nombre 50, moitié de 100, à l'ouverture duquel a esté posée ladite ligne *A B*, & transférant icelle ouverture sur ladite ligne *A B*, on la comppera en deux également, au point *E*, comme il estoit requis.

DEFINITIONS.

Angle plan est l'inclination de deux lignes l'une vers l'autre, se touchant en un plan non directement: & quand les lignes qui contiennent iceluy sont droictes, il se nomme rectiligne: Mais quand l'une d'icelles lignes tombant sur l'autre faict les angles d'une part & d'autre égaux, l'un & l'autre des angles se nomme droict, & la ligne tombance se nomme perpendiculaire, à la ligne sur laquelle elle tombe, & si elle faict un angle plus grand qu'un droict, il s'appelle obtus, & celuy qui est plus petit qu'un droict se nomme aigu.

Superficie, est ce qui a longueur & largeur tant seulement, & les extremités d'icelle sont ligne ou lignes.

Cercle, est une figure plane, comprise d'une seule ligne appelée circonférence, au milieu de laquelle figure il y a un point, qui s'appelle le centre du cercle, duquel estant menées des lignes droictes vers la circonférence, elles sont routes égales entr'elles, & une ligne droictte passant par ledit centre, & laquelle diuise iceluy cercle en deux également, s'appelle diametre du cercle.

Section de cercle, est une figure contenue d'une partie de circonférence du cercle, & d'une ligne droictte, qui s'appelle base de la section.

Et un angle se dict estre en la section, lors qu'à un point pris en la circonférence sont menées deux lignes droictes des deux extremités de la ligne, qui sert de base à la section, & c'est l'angle compris d'icelles deux lignes.

AXIOME 1. Démonstré en la 31. p. 3.


Dans le cercle l'angle qui est au demy cercle est droict, & celuy qui est en la plus grande section est plus petit qu'un droict; mais celuy qui est en la plus petite, est plus grand qu'un droict.

L I V R E I.
P R O B L E M E II.

7

*Sur vne ligne droicte donnee, & d'un point en icelle,
tirer vne ligne perpendiculaire.*

Soit la ligne droicte A B, & le point donné en icelle soit C, duquel il faut leuer vne perpendiculaire: Soient pris deux points distants également de C, comme D & E, & d'iceux soient des- cris deux arcs de cercles, s'en- trecouppans en F, de laquel- le interfection soit tirée la ligne F C, qui sera perpen- diculaire à ladite ligne A B, ainsi qu'il estoit requis, dont la demonsturation est faicte en la II. p. I.




S C H O L I E.

Si le point donné estoit à l'extremité de la ligne, il faudroit continuer ladite ligne, & sur icelle étant continuée faire comme dessus: Ou bien nous prendrons un point au dessus d'icelle ligne, cōme C; & apres avoir posé le pied du compas sur ledit point C, nous l'ouurerons iusques au point donné B, & descrivons l'arc D B E, puis nous tracerons la ligne droicte D C E, passant par le centre C; puis du point E nous tracerons E B, qui sera la perpendiculaire demandée: car l'angle D B E, dans le demy cercle est droit par la 31. p. 3. ou axiome 1. & par consequent E B, est perpendiculaire.




Autrement: du point donné B, & de quelconque intervalle B C, moindre que la ligne donnée nous descrivons un arc C D E plus grand que le tiers de la cir- conference de tout le cercle; puis sur ice- luy arc soit pris deux intervalles C D, D E; chacun égal au semidiametre B C; & des points D & E soient des- cris deux arcs s'entrecouppans au point F, duquel soit tirée à B la ligne droicte F B, qui sera per- pendiculaire à A B, ainsi que dessus.



Sur vne ligne droicte donnée & interminée, & d'un point hors icelle, mener vne ligne perpendiculaire.


Soit donné la ligne A B, & vn point C hors icelle, duquel il faut mener vne perpendiculaire à A B. Du point C soit descrit vn arc qui coupe la ligne donnée en D & E, & d'iceux points cōme centres, soient descrits deux arcs de cercle d'égale estenduë qui s'entrecouppent au point F, duquel point & par celuy doné soit tirée la ligne F C G, laquelle sera perpendiculaire à la ligne A B comme il se deuoit faire, dont la demonstration est faite en la 12. p. 1.



PROBL. IV.

Sur vne ligne droicte donnée, & à vn point donné en icelle, faire vn angle égal à vn angle rectiligne donné.

Soit la ligne donnée A B, & le point en icelle A, sur le-



quel il faut faire vn angle rectiligne égal au donné C D E.

Du

Du centre D soit fait l'arc FG, & du mesme interualle du centre A soit aussi descript l'arc HI, puis soit pris l'ouuerture de l'arc FG, & soit transportée sur l'arc HI; & du point A par le point I soit tirée la ligne AI, & sera fait l'angle HAI égal au donné CDE comme il estoit requis, dont la demonstration est faite à la 23. p. 1.

SCHOLIE.

L'angle CDE estant donné en nombres il sera facile d'en faire un égal à iceluy par le moyen du compas de proportion, comme ensuit.

Soit donné la ligne AB sur laquelle il faut faire un angle de trente-sept deg. du centre A & de quelque interualle, comme AH soit descript l'arc HI & porté la mesme interualle AH au compas de proportion à l'ouuerture de 60. deg. & estant ledit compas de proportion ainsi ouuert, soit pris l'ouuerture de 37. deg. & portée sur l'arc HI, & icelle se terminant au point I soit tirée à iceluy du point A la ligne AI, laquelle fait l'angle HAI de 37. deg. ainsi qu'il estoit requis.

Or par cecy il est manifeste qu'estant cogneu l'un des costez d'un tri. & les deux angles de dessus iceluy l'on descripta facilement iceluy triangle, & par consequent seront aussi cogneus les deux autres costez dudit tri. Car prenant ledit costé cognu sur le compas de proportion, & descriptant sur chacune extremite d'iceluy costé un des deux angles cogneus, les lignes faisant iceux ang. estans tirées iusques à ce qu'elles s'entrecouppent l'une l'autre formeront le tri. dont les deux costez incogneus estans portés sur le compas de parties ils seront cogneus: mais il sera enseigné cy apres un autre moyen plus commode pour cognoistre iceux costez incogneus deux angles & un costé d'un tri. estans cogneus.

D'auantage s'il estoit requis ouuir le compas de proportion d'un angle égal au donné CDE, il faudroit ayans fait l'arc FG transporter sur la iambe la distance DF, & noter où elle se terminera, puis prendre la distance FG, & faire que l'ouuerture du nombre où se sera terminè l'interualle DF soit d'icelle distance FG, & lors le compas de prop. sera ouuert de l'angle donné CDE.

Que s'il estoit aussi requis d'ouuir le comp. de prop. de quelque ang. prop. en nombre de deg. il faudroit prendre sur la iambe d'iceluy compas la dist. du centre iusqu'au nombre de deg. de l'angle prop. & faire que l'ouuerture de 60. degrez soit d'icelle distance.

Il est donc manifeste par cecy qu'iceluy comp. estant ouuert, on sçaura facilement de combien de deg. sera ladite ouuerture; car prenant l'ouuerture de 60. deg. & la posant sur l'une des iambes, sera monstree le nomb. des degrez de ladite ouuerture.

Nous sçaurons aussi estant donné un angle combien il contient de deg. sçavoir est faisant un arc sur iceluy angle, puis ayant transferé le demy diam. d'iceluy arc à l'ouuerture de 60. deg. & la grandeur de l'arc sur l'une & l'autre iambe, nous verrons quelle ouuerture elle sera.

Or d'autant que les Sinus sont de tres-grands usages, nous mettrons icy la maniere de trouver le Sinus droit d'un angle donné, le total Sinus estant posé de 200. ce que nous ferons en trois manieres, dont la premiere est qu'il faut ouvrir le compas de proportion de l'angle donné, puis soustraire de 180. deg. le double des deg. d'iceluy angle prop. & ce qui restera sera le nombre des deg. sur lequel doit tomber la perpendicul. de 180. deg. de la iambe opposée, & portant icelle perpendiculaire sur la iambe du costé de la ligne droite on trouvera le nombre d'icelle, qui sera le Sinus requis.

L'autre maniere, est qu'il faut seulement ouvrir le compas de proportion de l'angle donné, puis prendre la perpendic. tombant de l'extremité de l'une des iambes sur l'autre, laquelle sera le Sinus requis.

La troisieme maniere, est qu'il faut seulement prendre sur la ligne des cordes, on degrez la grandeur de la corde du double des deg. de l'angle proposé, & la porter sur la ligne droite pour voir la valeur d'icelle corde.


Mais il est à noter que si l'angle donné estoit obtus il faudroit premierement soustraire iceluy de 180. degrez, afin d'avoir son complement du demy cercle, puis avec iceluy complement poursuivre comme dis est cy dessus.

Au contraire, le Sinus d'un angle estant donné, nous trouverons iceluy angle, prenant le Sinus donné avec le simple compas, sur l'une des iambes du compas de proportion, & ayant posé l'une des pointes d'iceluy simple compas sur 180. deg. du compas de proportion, & ouvrant iceluy jusques à ce que l'autre pointe du simple compas tombe perpend. sur l'autre iambe dudit compas de proportion, & alors iceluy compas sera ouvert de l'angle du Sinus donné. Mais beaucoup plus promptement, portant ledit Sinus donné sur la ligne des degrez: Car la moitié du nombre des degrez qui seront trouvez sera la valeur de l'angle requis.

PROBL. V.

Coupper en deux également vn angle rectiligne donné.

Soit donné l'angle rectiligne A B C qu'il faut coupper en deux également: du centre B & de quelque intervalle que ce soit, soient couppees les lignes BD, BE égales, puis des points D & E comme centres, soient descrits deux arcs se coupant l'un l'autre en F, & d'icelle intersection par le point B soit tirée la ligne B F laquelle couppera l'angle donné en deux ég. comme



il estoit requis, dont la demonstration est faite à la 9. p. 1.

AXIOME II. démontré en la 13. p. 1.

Vne ligne droicte tombant sur vne autre ligne droicte, fait deux angles droicts, ou bien égaux à deux droicts.

COROLLAIRE.

Il est donc manifeste que l'un des angles estant cogneu, l'autre ne sera ignoré, car soustrayant les degrez de l'angle cogneu de 180. degrez, resteront les degrez de l'autre angle.

AXIO. III. démontré en la 15. p. 1.

Si deux lignes droictes se coupent l'une l'autre, elles feront les angles opposés au sommet égaux.

COROLL.

Il est donc manifeste que deux lignes droictes s'entrecouppans l'une l'autre feront à leur intersection quatre angles droicts ou égaux à quatre droicts, l'un desquels estant cogneu, l'on aura facilement cognoissance des autres trois : car premierement l'opposé sera égal à iceluy, & le soustrayant de 180. degrez, resteront les degrez de chacun des deux autres.

DEFF.

Les lignes lesquelles estant constituées sur un mesme plan & prolongées de part & d'autre à l'infiny ne se rencontrent jamais, sont appellées lignes paralleles.

AXIO. IV. démontré en la 27. p. 1.

Si vne ligne droicte tombant sur deux lignes droictes fait les angles opposés alternatiuement ég. icelles lignes seront paralleles.

AXIO. V. démontré en la 28. p. 1.

Si vne ligne droicte tombant sur deux lignes droictes fait l'angle

i)

exterieur égal à son opposé interieur du mesme costé, ou bien les deux interieurs de mesme costé ég. à deux droicts, icelles lignes seront paralleles,

AXIO. VI. démontré en la 29. p. 1.

Si vne ligne droicte tombe sur deux lignes paralleles, elle fera les angles opposez alternatiuement ég. & l'exterieur ég. à son opposé interieur du mesme costé, & les deux interieurs de mesme costé égaux à deux droicts.


AXIO. VII. démontré en la 30. p. 1.

Les lignes droictes paralleles à vne mesme ligne droicte, sont paralleles entr'elles.

PROBL. VI.

Par vn poinct donné mener vne ligne droicte parallele à vne ligne droicte donnée.

Soit le poinct donné A, duquel il faut mener vne ligne parallele à la donnée BC. Du poinct A soit menée la ligne AB faisant l'angle ABC, puis de A & B comme centres & d'un mesme intervalle soient descrits les deux arcs DE, FG, lesquels estans faits égaux soit tirée par les poincts A, G, la ligne AG, qui sera telle qu'il estoit requis, comme il est démontré à la 31. p. 1.



SGHOLIE.

D'autant que la maniere cy dessus n'est guieres vste en la pratique, nous adiousterons deux autres manieres, dont la premiere est celle dont l'on use le plus souvent en pratiquant.

Soit le point *H* duquel il conuient tirer vne ligne parallele à la donnée *IK*. Du centre *H* soit fait vn arc qui s'ouure la ligne *IK*, puis du centre *I* & du mesme intervalle soit fait l'arc *LM*, & du point *H* soit tirée la ligne *HN*, qui touche l'arc *LM*, & icelle ligne *HN* sera la parallele requise.

Soit encore donnée la ligne *OP*, à laquelle & du point *Q* il conuient tirer vne autre ligne parallele.

Soit pris en la ligne *OP* quelque point comme *R*, puis du centre *Q* & intervalle *OR* soit descrit vn arc, en soit aussi descrit vn autre du centre *R* & intervalle *OQ*, lequel coupe le premier au point *S*, & d'icelle intersection & du point *Q* soit menée la ligne *QS*, laquelle sera parallele à *OP*, comme il estoit requis.

DEFF.

Les figures planes rectilignes sont celles contenues de lignes droictes, & icelles sont triangulaires, quadrangulaires, ou poligones.

Les triangul. sont considerées ou selon leurs costez ou selon leurs angles.

Selon leurs costez, il y a trois sortes de triangles, sçauoir est, équilateral, isoscelle & Scalene.

Le triangle équilateral. est celuy qui a ses trois costez égaux.

L'isoscelle a deux costez égaux seulement.

Le Scalene est celuy qui a ses trois costez inégaux.

Selon les angles il y a aussi de trois sortes de triangles, sçauoir est rectang. ou orthogone, oxigone & ambligone.

Le triangle rectangle ou orthogone est celuy qui a vn angle droict.


L'oxigone celuy qui a ses trois angles aigus.

Mais l'ambligone est celuy qui a vn angle obtus.

PROBL. VII.

Sur vne ligne droicte donnée & terminée descrire vn triang. équil.

Soit donné la ligne *AB*, sur laquelle se doie descrire vn triang. équilat. des points *A* & *B* comme centres, & de l'intervalle de la ligne *AB* soient descrits deux arcs qui s'entrecoupent en *C*; puis des points *A* & *B* à ladite intersection *C*, soient menées les lignes *AC* & *BC*, & sera fait le triangle *ACB* équil.




ainsi qu'il estoit requis, dont la demonstration est faite à la premiere prop. du premier liure d'Euclide.

PROBL. VIII.

Sur vne ligne droite donnée & terminée, decrire vn triangle Ifofcelle.

Soit donnée la ligne droite AB ; & il faut decrire sur icelle vn triagle Ifofcelle : des poinçts A & B comme centres, & d'une interualle plus grande ou moindre que AB , soient descrits deux arcs qui s'entrecouppent en C ; puis des poinçts A & B à ladicte interfection C soient menées les lignes AC & BC , & sera fait le triangle ACB Ifofcelle, ainsi qu'il estoit requis, dont la demonstration est manifeste par la deffinition du cercle, & celle du triangle Ifofcelle.



AXIO. VIII. démontré en la 5. p. 1.

Les triangles Ifofcelles ont les angles sur la base égaux, & les costez égaux estant continuez, les angles extérieurs sous la base sont égaux.


AXIO. IX. démontré en la 6. p. 1.

Les triangles qui ont les deux angles sur la base ég. ont les deux autres costez égaux.

PROBL. IX.

Faire vn triangle de trois lignes droictes égales à trois autres données, mais il faut que deux d'icelles prises ensemble, soient plus grandes que l'autre.

Soient trois lignes droictes données A, B, C, deux desquelles prises ensemble sôt plus grandes que l'autre, & il faut faire vn triangle d'icelles ou de trois autres à eux égales. Soit prise la ligne droicte D E égale à quelconque des données côme à A, puis apres de D & interualle de la ligne B soit décrit vn arc, pareillement de E & interualle de la ligne C soit décrit vn autre arc couppant le premier au point F, puis soient tirées à ladite intersection les deux lignes D F, E F & sera fait le triangle D E F de trois lignes droictes égales aux trois premieres données, comme il estoit requis, dont la démonstration est faite à la 22 p. 1.



SCHOLIE.

En la mesme maniere que dessus estant proposé vn triangle, nous constituerons vn autre triangle qui aura les costez & les angles égaux au proposé, & partant qui luy sera aussi égal en superficie.

Que si les lignes ou costez d'un triangle estoient données, & que les angles d'iceluy triangle fussent requis, nous les trouuerons en cette maniere: Il faudra prendre sur l'une des iambes dudit compas de proportion la base du triangle, puis poser l'une des pointes du simple compas sur l'une des iambes, au nombre de l'un des

costez du triangle, & ouvrir ledit compas de proport. iusques à ce que l'autre pointe du simple compas puisse tomber sur le nombre de l'autre costé, & alors ledit compas de proportion sera ouvert d'autant de degrez que sera l'angle soustenu de la base, & ainsi faut-il faire pour trouuer les autres angles.

AXIO. X. demonstré en la 4. p. 1.

Si deux triang. ont deux costez égaux à deux costez chacun au sien, & les angles compris d'iceux costez, égaux; ils auront les bases égales, & les autres angles aussi égaux, chacun au sien, & le triangle sera égal au triangle.

AXIO. XI. demonstré en la 8. p. 1.

Si deux triangles ont deux costez égaux à deux costez, chacun au sien, & la base égale à la base, ils auront aussi l'angle égal compris d'iceux costez égaux.

AXIO. XII. demonstré en la 24. p. 1.

Si deux triangles ont deux costez égaux à deux costez, chacun au sien, & l'angle d'iceux costez plus grand que l'angle, ils auront la base plus grande que la base.

AXIO. XIII. demonstré en la 25. p. 1.

Si deux triangles ont deux costez égaux à deux costez, chacun au sien, & la base plus grande que la base, ils auront aussi l'angle compris d'iceux costez plus grand que l'angle.

AXIO. XIV. demonstré en la 26. p. 1.

Si deux triangles ont deux angles égaux à deux angles, chacun au sien, & vn costé égal à vn costé, sçauoir son correspondant l'autre angle, & les autres costez seront égaux chacun au sien.

AXIO. XV. demonstré en la 16. p. 1.

Vn costé d'un triangle étant prolongé, l'angle extérieur est plus grand

grand que l'un ou l'autre des opposez interieurement.

AXIO. XVI. démontré en la 17. p. 1.

Tout triangle à deux angles moindres que deux droicts de quelle façon qu'ils soient pris.

AXIO. XVII. démontré en la 18. p. 1.

De tout triangle, le plus grand costé soutient le plus grand angle.

AXIO. XVIII. démontré en la 19. p. 1.

En tout triangle le plus grand angle est soutenu du plus grand costé.

AXIO. XIX. démontré en la 20. p. 1.

En tout triangle les deux costez de quelle façon qu'ils soient pris, sont plus grands que le troisième.

AXIO. XX. démontré en la 21. p. 1.

Si des extrémitez d'un costé de quelque triangle, on mene deux lignes droictes se rencontrans au dedans; icelles seront plus petites que les deux autres costez du triangle, mais elles feront un plus grand angle.

AXIO. XXI. démontré en la 22. p. 1.

En tout triangle, l'un des costez estant prolongé, l'angle exterieur est égal aux deux opposez interieurs: & de chacun triangle les trois angles interieurs sont égaux à deux droicts.

COROLLAIRE I.

Il s'en suit donc que de tout triangle, desquels deux angles seront don-

C

nez, le troisieme sera cogneu: Car la somme des deux angles donnez estant soustraite de demy cercle, c'est à dire de 180. degrez, restera la valeur du troisieme angle.

I I.

Il s'en suit encore qu'estant prolongé l'un des costez du triangle, & cogneu l'angle extérieur, & l'un des opposez intérieurs; les deux autres intérieurs seront aussi cogneu: car soustrayant de l'extérieur l'opposé intérieur cogneu, restera l'autre opposé: & quant au troisieme angle, il sera cogneu par le Coroll. precedent, ou par celui de la 13. p. 1. qui est l'Axiome 2.

I I I.

Outre ce s'en suit, que si d'un triangle rectiligne vn seul angle aigu est donné, l'autre angle aigu le sera aussi. Et aussi que d'autant que les triangles égaux sont équiangles, que chacun angle sera de 60. degré, qui est le tiers de deux droicts.

I I I I.

Aussi se peut necessairement inferer que les triangles isoscelles ayans vn seul angle cogneu, les deux autres le seront aussi: Car si l'angle cogneu est l'un de ceux de dessus la base du triangle, le doublant & ôtant ce double de 180. degrez restera l'angle du sommet. Mais si ledit angle cogneu est celui du sommet, iceluy estant ôté de 180. degrez, restera la somme des deux angles de dessus la base, qui estant partie en deux éгалlemēt, on aura la somme d'un chacun d'iceux angles de dessus la base. Et d'auantage, si avec l'un des angles estoit aussi cogneu l'un des costez, ou bien la base, que tout le reste sera aussi facilement cogneu avec le compas de proportion: Car si la base est donnée; le compas de proportion estant ouuert de l'angle du sommet, transferant ladite base sur vn ouuerture d'iceluy compas de proportion, on trouuera aisément les costez: ou bien si les costez sont connus, le compas de proportion estant ouuert comme dessus, l'ouuerture de l'extremité d'iceux costez, donnera la base.

Or en la mesme maniere on aura la base de quelque triangle, dont deux costez & l'angle qu'ils comprennent seront cogneus.

D E F F.

Les figures ou superficies quadrilateres sont quarré, quarré long ou parallelogramme rectangle, Rhombe, Rhomboide, trapeze trapezoide.

Le quarré est vne superficie plane de quatre costez égaux, & de quatre angles droicts.

Le quarré long ou parallelogramme rectangle est ce quadrilatre là qui a quatre angles droicts; mais les costez inégaux.

Le Rhombe est celuy là qui a les angles non droicts, & les costez égaux.

Et le Rhomboïde est celuy là qui a les angles & les costez opposites égaux sans estre rectangle ny equilateral.

Or est icy à noter que toutes les quatre figures quadrilateres cy dessus definies, sont appellées parallelogramme; d'autant qu'elles ont chacune les costez opposez parallels. Et estant mené vne ligne droicte de l'un des angles à l'autre opposé en quelqu'une d'icelles figures, elle s'appelle diagonale.


Trapeze est vne figure des quatre costez, de lesquels deux opposez sont égaux, & les deux autres parallels & inégaux.

Et Trapezoïde ou tablette, est toute autre sorte de figure quadrilaterre que celles cy dessus, ayant tous les costez & les angles inégaux.

PROBL. X.

Sur vne ligne droicte donnée, descrire vn quarré.

Soit la ligne droicte donnée A B, sur laquelle il faut descrire vn quarré. Au point A soit élevée perpendiculaire A C égale à A B, & des points B & C comme centres, & de l'intervalle A B, soient faits deux arcs s'entrecoupans au point D, & d'iceluy soient tirées D B, D C: & la figure A C D B sera le quarré requis, dont la demonstration est faite à la 46. p. 1.



AXIO. xxij. démontré en la 33. p. 1.

Les lignes droictes qui conjoignent deux lignes droictes égales & paralleles, & de meisme costé, sont aussi égales & paralleles.

AXIO. xxij. démontré en la 34. p. 1.

En tout parallelogramme, les costez & les angles opposez sont

C i

20 - GEOMETRIE PRATIQUE,
égaux, & la diagonale le coupe en deux également.

AXIO. xxiiiij. Démonstré en la 35. p. 1.

Les parallelogrammes constitués sur mesme base, & entre mesmes paralleles sont égaux entr'eux.

AXIO. xxv. Démonstré en la 36. p. 1.


Les parallelogrammes constitués sur bases égales, & entre mesmes paralleles sont égaux entr'eux.

PROBLEME XI.

Estans données deux lignes droictes, & vn angle reſtiligne; construire vn parallelograme, ayant vn angle égal au donné, & les costez comprenant iceluy angle égaux aux lignes droictes données.

Soient données les deux lignes droictes A, B, & l'angle C, & il faut construire vn parallelograme, ayant vn angle égal au donné C, & les deux costez comprenant iceluy angles égaux aux deux lignes données.

Soit pris D E égale à A, puis sur l'extremité D soit fait l'angle E D F égal au donné C, faisant D F égale à B, puis du centre E, & interualle B soit fait vn arc de cercle, & aussi du centre F, & interualle A vn autre arc de cercle, qui coupe le premier en G, & d'iceluy point estans tirées vers



E, F les lignes droictes EG, GF, le quadrilatere DG sera le parallelogramme requis, dont la demonstration est manifestée par la construction, & deffinition des parallelogram.

AXIO. xxvj. demonstré en la 43. p. 1.

En tout parallelogramme, les supplémens qui sont sur le diametre sont égaux entr'eux.

AXIO. xxvij. demonstré en la 37. & 38. p. 1.

Les triangles constituez sur mesme base, ou sur bases égales, & entre mesmes paralleles, sont égaux entr'eux.

AXIO. xxviii. demonstré en la 39. p. 1.

Les triangles égaux constituez sur mesme base, & de mesme part, sont aussi entre mesme paralleles.

AXIO. xxix. demonstré en la 40. p. 1.

Les triangles égaux constituez sur bases égales, & de mesme part, sont aussi entre mesme paralleles.

AXIO. xxx. demonstré en la 41. p. 1.

Si vn parallelogrāme, & vn triangle ont vne mesme base, & sont entre mesme paralleles, le parallelogrāme sera double du triangle.

PROBL. XII.

Faire vn parallelogramme égal à vn triangle donné, & ayant vn angle égal à vn angle rectiligne donné.

Soit le triangle donné A B C, auquel il faut faire vn pa-

C iij

au donné E, tirant A G jusques à ce qu'elle rencontre C D prolongée, & estant joint F G, le triangle A G F sera le requis : Car l'angle A est égal au donné E, & estant tirée B G, les triangles A G B, B G F, seront égaux par la 38. p. 1. & partant le total A G F est double de A G B : mais par la 41. p. 1. le parallelograme A D, est aussi double d'iceluy triangle A B G : donc le triangle A G F, & le parallelograme A D, sont aussi égaux entr'eux : ce qu'il falloit faire.


SCHOLIE.

Les costez du triangle seront aussi tronquez avec le compas de proportion, sçavoir est prenant la hauteur du parallelograme donné, & la portant sur ledit compas, iceluy estant ouvert de l'angle donné s'il est aigu, ou du supplément, s'il est obtus, & d'où tombera perpendiculairement ladite hauteur, ce sera l'un des costez du triangle requis : le double de A B, sera le deuxième costé : & quant à l'autre, il sera aisément trouué.

PROBL. XIV.

Sur vne ligne droite donnée, descrire vn parallelograme égal à vn triangle donné, ayant vn angle égal à vn angle rectiligne donné.

Soit la ligne droite donnée A B, sur laquelle il faut descrire vn parallelograme ég. au triangle donné C, & qui ait vn angle égal au donné D. Soit fait le parallelograme E G, égal au triangle C, & ayant l'angle H E F égal au donné D ; puis soient prolongés les costez F G, E H, jusques en I & K, tellement que G I, H K, soient esgales à la



ligne AB ; puis par les points I, H , soit menée, IHL rencontrant FE prolongée en L : en apres d'iceluy point L , soit menée LMN égale & parallèle à EHK , & soit prolongée GH , jusques en M : & finalement soit menée NKI ; & le parallelograme Mk , sera égal au triangle C , sera construit sur Hk égale à AB , & aura l'angle M égal au donné D , comme il est demonsté en la 44. p. 1.


S C H O L I E.

Il sera aussy aisé de trouver le costé HI avec le compas de proportion: Car estant trouvez les deux costez du parallelograme EG , il ne s'aura que trouver la quatrième proportionnelle aux trois lignes AB, GH, HE .

PROBL. XV.

Sur vne ligne droicte donnée, construire vn triangle égal à vn parallelogramme donné, & qui ait vn angle égal à vn angle rectiligne donné.

Soit la ligne droicte donnée AB , sur laquelle il faut descrire vn triang. ég. au parallelogramme donné DE , & qui ait vn angle ég. à l'angle donné F . Soit prolongé CE jusques en G , tellement que CE & EG , soient égales, puis estant tirée DG , le triangle CDG sera ég. au parallelogramme DE , en apres soit sur AB construit le parallelogramme BH , égal au triangle CDG , ayant l'angle A égal à l'angle F ; puis AH estant prolongé jusques en L , & fait HL égale à AH , soit tirée BL : & le triangle ABL , sera tel qu'il estoit requis. Car la 41. p. 1.



ou axiome 30. iceluy triangle $AB I$, est égal au parallelogramme $B H$, veu qu'ils sont entre mesme paralleles & que la base du triangle est double de la base du parallelogramme: mais iceluy parallelogramme $B H$, par la construction est égal au triangle $C D G$, & iceluy triangle $C D G$ égal au parallelogramme $D E$, par le susdit 30. axiome: donc le triangle $AB I$, sera aussi égal à iceluy parallelogr. $C E$, & à l'angle A égal au donné F . Ce qu'il falloit faire.

S C H O L I E.

Estans bien entendus les choses dites és Scholies precedents, il sera aisé de trouver avec le compas de proportion, les costez du triangle $AB I$.

D E F F I N I T I O N S.

Partie est une grandeur plus petite tirée d'une plus grande, lors que la plus petite mesure la plus grande.

Multiplie est une grandeur plus grande qu'une plus petite, quand la plus grande est mesurée de la plus petite.

Raison est une habitude de deux grandeurs de mesme genre, comparées l'une à l'autre selon la quantité.

Les grandeurs sont dictes avoir raison l'une à l'autre, lesquelles estans multipliées, se peuvent excéder l'une l'autre.

Les grandeurs sont dictes estre en mesme raison, & la premiere estre à la deuxieme, comme la troisieme à la quatrieme, quand les equemultipliees de la premiere & troisieme excèdent, sont égales ou de faillent ensemble aux equemultipliees de la deuxieme & quatrieme en quelque multiplication que ce soit.

Proportion est une similitude de raisons.


Les grandeurs qui sont en mesme raison, sont appellées proportionnelles.

P R O B L. XVI.

Estans données deux lignes droictes, trouver une troisieme proportionnelle à icelles.

Soient données les lignes droictes AB & D , auxquelles il
 D

faut trouver vne troisieme proportionnelle: soit prolongee AB jusques en C , tellement que BC soit egale à D , puis soit tiree AE tant grande qu'il sera de besoin, & d'icelle soit prise AF , aussi egale à D , & apres auoir mene BF , du point C , soit menee CE parallele à BF , & la ligne FE sera la troisieme proportionnelle requise, dont la demonstration est faite à la II. p. 6.



SCHOLIE.


Le mesme se fera aussi avec le compas de proportion en cette sorte.

Soit pris avec le simple compas la premiere ligne AB , & soit transferee sur l'une des iambes du compas de proportion, & trouuant qu'elle se termine au nombre 60, ie fais l'ouuerture d'icelluy nombre telle qu'est la deuxieme ligne D , puis ie transfere icelle ligne dans sur la iambe dudit compas de proportion, & icelle se terminant au nombre 75, ie prend l'ouuerture d'iceluy nombre, laquelle me donne la troisieme proportionnelle requise.

PROBL. XVII.

Estans donnees trois lignes droictes, en trouver vne quatrieme proportionnelle à icelles.

Soient donnees les lignes droictes AC, CB, D : & il en faut trouver vne quatrieme proportionnelle à icelles: soient posees AC, BC directement, puis soit tiree AE , faisant angle avec AB & si longue qu'il sera de besoin, & d'icelle soit pris AF egale à D ; & ayant conjoint CF , du point B , soit menee BG parallele à CF ;



& F G sera la quatrième ligne proportionnelle requise, conformément il est démontré en la 12. p. 6.

SCHOLIE.

Nous ferons aussi la mesme operation avec le compas de proportion, en cette maniere: Soit prise avec le simple compas la premiere ligne A C, & soit transférée sur l'une des jambes du compas de proportion, & trouvant qu'elle se termine au nombre 60, nous ferons l'ouverture d'iceluy nombre telle qu'est la seconde ligne B C, puis nous transporterons pareillement sur ladite jambe du compas de proportion la troisième ligne D, & trouvant qu'elle se termine au nombre 70, prenant l'ouverture d'iceluy nombre, nous aurons F G proportionnelle requise.

Or estans donnés trois nombres, nous en trouverons en la mesme maniere que dessus un quatrième proportionnel à iceux, & à quatre un cinquième, & ainsi consequemment qu'on en voudra: Car estant mis le deuxième nombre à l'ouverture du premier, l'ouverture du troisième donnera le quatrième proportionnel: & derechef si on prend l'ouverture du quatrième, on aura le cinquième, & ainsi consequemment.

AXIO. xxxj. démontré en la 17. p. 6.

Si trois lignes sont proportionnelles, le rectangle des extremes sera égal au carré de la moyenne: & si le rectangle des extremes est égal au carré de la moyenne, les trois lignes seront proportionnelles.

AXIO. xxxij. démontré en la 6. p. 6.

Si quatre lignes sont proportionnelles, le rectangle des extremes sera égal au rectangle des moyennes: & si le rectangle des extremes est égal à celui des moyennes, les quatre lignes sont proportionnelles.


PROBL. XVIII.

Trouver le centre d'un cercle donné.

Soit le cercle donné A C B, le centre duquel il faut trouver.

D i

Soit tirée la ligne droite AC, & soit icelle coupée en deux également, & à droicts angles par la ligne BD, laquelle si on coupe en deux également, on aura le centre au point d'intersection E, ainsi qu'il est démontré en la 1. p. 3.



COROLLAIRE.

Il est manifeste que si en vn cercle, vne ligne droite diuise également & à angles droicts vne autre ligne droite, qu'en la ligne diuisante est le centre du cercle.

AXIO. xxxij. démontré en la 3. p. 3.

Si dans le cercle quelque ligne droite passe par le centre & coupe en deux également vne autre ligne droite ne passant point par le centre, elle la coupera à droicts angles: & si à droicts angles, aussi en deux également.

AXIO. xxxiiij. démontré en la 4. p. 3.

Si dans le cercle deux lignes droites ne passant point par le centre s'entrecouppent, elles ne se couperont point l'une l'autre en deux également.

AXIO. xxxv. démontré en la 5. p. 3.

Si deux cercles se couppent l'un l'autre, ils n'auront pas vn mesme centre.


SCHOLIE.

Nous démonstrerons icy le Theoreme suiuant.

Si deux cercles se couppent mutuellement, & du point de la section, on mene vne ligne droite par le centre de

l'un des cercles, elle ne passera pas par le centre de l'autre cercle.

Soient les deux cercles BC & BDE s'entreceppans en B & D , & le centre du cercle BC soit A , par lequel de l'intersection B soit menée la ligne BAC , coupant le cercle BDE en E . Je dis qu'icelle ligne ne passe point par le centre du cercle BDE : Car estans jointes les lignes BD , CD , ED , l'angle BDC est droit par la 31. p. 3. parquoy l'angle BDE ne sera droit, ains plus grand ou moindre qu'un droit. Donc la ligne droite BAC n'est pas diametre du cercle BDE , & partant ne passe par le centre d'iceluy. Ce qu'il falloit demonstrier.




Nous demonstrerons encores ce Theoreme.

Si deux cercles s'entreceppent, & du point de la section on mene vne ligne droite coupant l'un & l'autre cercle, les segmens d'iceux cercles ne seront semblables.

Or nous appellons semblables segmens de cercle, ceux desquels les angles sont égaux.

Soient donc les deux cercles ABC , ABD s'entreceppans en A & B , & soit tirée de la section A , la ligne ADC coupant le cercle ABC en points A & C , & le cercle ABD en A & D . Je dis que les segmens ABC , ABD ne sont point semblables: Car ou la ligne droite ADC passe par le centre de l'un des cercles ou non. Qu'elle passe donc premierement par l'un des centres E , qui est centre du cercle ABD , elle ne passera donc point par le centre de l'autre cercle ABC , par le precedent Theoreme: parquoy AD sera diametre du cercle ABD , mais AC ne sera diametre de l'autre cercle ABC , & partant les segmens ABD , ABC ne seront semblables.



Secondement, que la ligne ADC ne passe point par le centre d'aucun d'iceux cercles. Soit tirée par E centre du cercle ABD , la ligne AEG , coupant ledit cercle en F : donc AF sera diametre d'iceluy, & estans jointes DF & CG , l'angle ADF sera

D iij

droit par la 31. p. 3. mais d'autant que AG n'est diamètre du cercle ABC , l'angle ACG ne sera pas droit: donc plus grand ou moindre que l'angle droit ADF , & partant les angles AFD , AGC & segments de cercle ABD , ABC : seront inégaux, venant que l'angle A est commun aux deux triangles AFD , AGC : donc les segments ABD , ABC , ne se, ont semblables: ce qu'il falloit démontrer.

D E F F.

Les cercles sont dits se toucher l'un l'autre, quand en se touchant ils ne se couppent point.

AXIO. xxxvj. démontré en la 6. p. 3.

Si deux cercles se touchent l'un l'autre, ils n'auront pas mesme centre.

AXIO. xxxvij. démontré en la 7. p. 3.

Si au diamètre du cercle se prend quelque point qui ne soit pas le centre, & d'iceluy point tombent quelques lignes droictes en la circonference, la plus grande sera celle en laquelle est le centre, & la plus petite est celle qui reste: mais des autres, tousiours la plus proche de celle qui est menée par le centre, est plus grande que la plus esloignée: & deux lignes droictes tant seulement venant d'iceluy point de part & d'autre du diamètre sont esgales.

AXIO. xxxviij. démontré en la 8. p. 3.

Si on prend quelque point hors le cercle, & d'iceluy soient menées quelques lignes droictes dans la circonference, desquelles l'une passe par le centre, & les autres où l'on voudra, celle qui passe par le centre sera la plus grande de toutes celles qui seront menées dans la circonf. concave. Quant aux autres, tousiours la plus proche de celle qui passe par le centre est plus grande que la plus esloignée. Mais de celles qui passent par la circonference convexe, la plus petite est celle qui est comprise entre le point & le diamètre. Quant aux autres, la plus esloignée est plus grande que la plus proche de la plus petite, & n'y a que deux lignes droictes qui puissent tomber esgales de part & d'autre de la plus petite.

AXIO. xxxix. démontré en la 9. p. 3.

Si on prend quelque point au cercle, & d'iceluy point vers la circonferēce tombent plus de deux lignes droictes égales, le point pris est le centre du cercle.

AXIO. xxxx. démontré en la 10. p. 3.

Vn cercle ne coupe pas vn autre cercle en plus de deux points.

AXIO. xxxxj. démontré en la 11. p. 3.

Si deux cercles se touchent l'un l'autre au dedans, la ligne droite menée par les deux centres passera par l'attouchement des cercles.

AXIO. xxxxij. démontré en la 12. p. 3.

Si deux cercles se touchent l'un l'autre au dehors, la ligne menée d'un centre à l'autre, passera par l'attouchement.

AXIO. xxxxiij. démontré en la 13. p. 3.

Vn cercle ne touche pas vn autre cercle à plus d'un point, tant dehors que dedans.


SCHOLIE.

Nous démonstrerons icy apres Clavius, le suivant Theoreme.

Si on prend au demy diametre d'un cercle prolongé vn point par delà le centre, & d'iceluy point comme centre, on décrit vn cercle par le point extreme du semidiametre, il touchera le premier cercle au susdit point extreme du demy diametre, & tombera tout dehors le mesme premier cercle.

Soit le cercle ABC , le centre duquel est D , & au demy diamètre AD prolongé, soit pris le point E , duquel & de l'intervalle EA , soit descript le cercle AF . Je dis qu'iceluy cercle AF tombe le cercle ABC au seul point A . Or le point E est dedans, ou dehors le cercle ABC . S'il est dedans, d'autant que AE est plus grand que AD , c'est à dire que DC , & à plus forte raison que EC , pareillement EF , qui est égale à AE , est plus grande que EC : & partans le point F sera hors le cercle ABC , & le cercle AF hors le mesme cercle ABC . Que si on prend le point E hors le cercle ABC , il est evident que le point F sera encores hors le mesme cercle ABC , & tout le cercle AF sera hors le cercle ABC , & le touchera au seul point A : autrement qu'il le touche ou coupe s'il est possible en vn autre point B , & soit tirée la ligne DB . Done puis qu'au diamètre du cercle AF est pris le point D , hors le centre E ; $D A$ sera la plus petite de toutes les lignes droictes tombant de D à la circonférence par la 7. p. 3. ou Axiome 37. donc DA est moindre que DB : ce qui est absurde. Car DA , DB sont égales, veu qu'elles tombent du centre D à la circonférence d'un mesme cercle ABC . Donc le cercle AF ne touche ny coupe le cercle ABC en autre point que A , ce qu'il falloit demonstrier.

Que si au demy diamètre non prolongé, on prend vn point hors le centre, le cercle descript d'iceluy point comme centre, par le point extreme du semidiametre touchera aussi le premier cercle au susdit point extreme, & tombera tout dedans le mesme premier cercle: comme si au semidia. AE du cercle AF , on prend le point D , & d'iceluy on descript de l'interv. DA le cercle ABC , iceluy tombera tout dedans celuy là, & le touchera au seul point A : car puis qu'il a esté demonstreté cy dessus, que tout le cercle AF tombe hors le cercle ABC , pareillement tout cétuy-cy tombe dedans celuy là; tellement qu'ils se touchent mutuellement au seul point A .



DEFF.

Les lignes droictes sont dictes estre également distantes du centre, lors que les perpendiculaires tirées du centre sur icelles sont égales, mais celle est plus esloignée du centre sur laquelle tombe la plus grande perpendiculaire.

AXIOME xxxxiij. demonsté en la 14. p. 3.

Dans vn cercle, les lignes droictes égales sont également distantes du centre: & les également distantes du centre, sont égales entr'elles.

AXIO.

AXIO. xxxv. démontré en la 15. p. 3.

Dans le cercle, la plus grande ligne est le diamètre : quant aux autres, toujours la plus proche du centre est plus grande que la plus éloignée.

AXIO. xxxvj. Démonstré en la 16. p. 3.


Si à l'extrémité du diamètre d'un cercle on lève une ligne perpendiculaire, icelle tombera dehors le cercle, & entre icelle perpendiculaire & la circonférence ne tombera pas une autre ligne droite : & l'angle du demy cercle est plus grand que tout angle re-
ctiligne aigu, & celui qui reste plus petit.

COROLLAIRE.

Il est manifeste par cecy, qu'une ligne droite tirée perpendiculairement sur l'extrémité du diamètre du cercle touche iceluy cercle.

Parquoy estant requis de tirer une ligne droite par le point A en la circonférence du cercle A B, qui touche le cercle en A, nous tirerons de A au centre C la ligne droite A C, & tirerons perpendiculairement à icelle la ligne D A B, & icelle touchera le cercle A B en A, comme il a été démontré en la proposition.

Il est aussi manifeste que deux cercles ayans leurs deux centres en une ligne droite, & descript par un mesme point, se touchent mutuellement en dehors : Car les cercles A B & A G ayans leurs centres C & F en la lig. droite C A F, & descript tous deux par le point A, tirant perpendiculairement par le point A, la ligne D A E, elle touchera le cercle A B en A, & aussi le cercle A G au mesme point A, extrémité de l'un & l'autre diamètre d'iceux cercles : donc iceux cercles se touchent mutuellement en A.




PROBL. XIX.

*D'un point donné mener une ligne droite qui touche
un cercle donné.*

Soit donné le point A hors du cercle B C le centre du-
E

quel est D, & il faut mener de A vne ligne droicte qui touche iceluy cercle donné. Soit tirée A D couppant le cercle donné en B, puis du centre D & interualle D A, soit descript le cercle A E F, & de B soit tirée perpendiculairement B E sur A D, & estant tirée E D couppant le cercle B C en C, soit menée A C, laquelle sera la ligne requise. Comme il est demonstté en la 17. p. 3.



AUTREMENT.

Ayant mené la ligne AD, soit couppé icelle en deux également en E, & de E comme centre, & de l'interualle EA ou ED, soit descript le demy cercle A C D, couppant le cercle donné en C, & à iceluy estant mené de A la ligne A C, elle touchera le cercle B C en C: car. estant tirée C D, l'angle A C D au demy cercle est droict par la 31. p. 3. ou Axiome 1. & parât par le Corollaire de la 16. p. 3. ou Axiome 46. la lig. A C touchera le cercle B C en C. Ce qu'il falloit faire.

AXIO. xxxv. Demonstté en la 18. p. 3.

Si vne ligne droicte touche vn cercle, & du centre à l'atouche-ment, on mene vne ligne droicte, elle sera perpendiculaire à la touchante.

AXIO. xxxviij. demonstté en la 19. p. 3.

Si vne ligne droicte touche vn cercle, & au point de l'atouche-

ment est levée vne perpendiculaire, icelle passera le centre du cerc.

AXIO. xxxix. démontré en la 20. p. 3.

Dans le cercle, l'angle du centre est double de l'angle de la circonférence, quant iceux angles ont vne mesme circonférence pour base.

AXIO. L. démontré en la 21. p. 3.

Dans le cercle, les angles qui s'appuyent sur vne mesme section sont égaux entr'eux.

AXIO. LI. démontré en la 22. p. 3.

Les figures de quatre costez inscrites au cercle, ont les angles opposez égaux à deux angles droicts.

AXIO. LII. démontré en la 23. p. 3.

Deux sections de cercles semblables, & inégales ne se mettront pas dessus vne mesme ligne droicte, & de mesme part.

AXIO. LIII. démontré en la 24. p. 3.

Semblables sections de cercles estans constituées sur lignes droictes égales, sont égales entr'elles.

PROBLEME XX.

La section d'un cercle estant donnée, decrire le cercle duquel elle est section.

Soit donnée la section de cercle ABC, de laquelle il faut trouver le centre pour acheuer le cercle d'icelle section. Soient pris en icelle section les trois poincts A, B,

E ij

C, & des deux points A & B, soient, faits les deux arcs s'entrecouppans es points D, F, & par icelles interfections, soit menée la ligne droicte D E, puis des points B & C, soient aussi faits deux autres arcs qui s'entrecouppet aux points G, & H, & par iceux points menée la ligne droicte G H, qui couppera D E en E, & iceluy point fera le centre du cercle requis, comme il est demonsté en la 25. p. 3.



COROLL.

Par cecy il est euident comme se doit decrire la circonference d'un cercle passant par trois points donnez, quine soient en ligne droicte.

D E F F.

Cercles égaux, sont ceux desquels les diametres sont égaux, ou desquels les lignes menées du centre à la circonference sont égales.

AXIO. LIV. demonsté en la 26. p. 3.

Dedans cercles égaux, les angles égaux tant aux centres qu'aux circonférences, ont pour bases circonférences égales.

AXIO. LV. demonsté en la 27. p. 3.

Dedans cercles égaux, les angles sont égaux qui ont pour bases circonférences égales, soit au centre ou en la circonference.

AXIO. LVI. demonsté en la 28. p. 3.

Dedans cercles égaux, les lignes droictes égales couppent circonférences égales, sçavoir la plus grande, à la plus grande, & la plus petite, à la plus petite.

AXIO. LVII. démontré en la 29. p. 3.

Dedans cercles égaux, les circonferences égales comprennent lignes droictes égales.

D E F F.

Secteur de cercle est une figure de deux lignes droictes embrassant quelque circonference, & faisant angle au centre du cercle.

AXIO. LVIII. démontré en la 33. p. 6.

Aux cercles égaux, les angles tant au centre qu'en la circonference sont entr'eux comme les circonferences qui les soustiennent: les secteurs sont aussi de mesme.

C O R O L L.

De cecy il s'ensuit, que le secteur est au secteur comme l'angle est à l'ang. Et aussi que comme l'angle du centre est à quatre angles droicts, ainsi est l'arc subtendant iceluy angle à toute la circonference. Et au contraire, comme quatre angles droicts sont à l'angle du centre, ainsi est toute la circonference à l'arc subtendant iceluy angle du centre.

P R O B L. XXI.

Couper une partie de circonference en deux également.

Soit donné l'arc A E B, qu'il faut couper en deux également: des deux poinçts A & B, soient des-cris deux arcs de cercles s'entrecouppans aux poinçts D, C, & par icelles interseçtions soit menée la ligne droicte CD, laquelle coupera l'arc donné en deux également au poinçt E, dont la demonstration est faicte en la trentième proposition du 3.



E. iij

Si quelque ligne droite touche le cercle, & de l'attouchement on mene quelque ligne droite couppant le cercle, les angles qu'elle fait à la touchante, sont égaux à ceux qui sont alternatiuement aux sections du cercle.

PROBL. XXII.

D'un cercle donné, ôster vne section capable d'un angle égal à un angle rectiligne donné.


Soit le cercle donné A B C, duquel il faut coupper vne section capable d'un angle égal au donné D: soit menée la ligne droite EF touchant le cercle donné en A, & à iceluy point soit fait l'angle F A C égal à l'angle donné D, & la section A B C sera capable d'un angle égal au donné D. Comme il est démontré en la 34. p. 3.



PROBL. XXIII.

Sur vne ligne droite donnée, descrire la section d'un cercle capable d'un angle égal à un angle rectiligne donné.

Soit la ligne droite donnée A B, sur laquelle il faut descrire vne section de cercle capable d'un angle égal à l'angle donné C. Sur la ligne donnée & au point A, soit fait l'angle B A D égal au donné C, & du même point A, soit levée perpen-



diculairement A E, puis au poinct B, soit fait l'angle A B F égal à l'angle E A B, & F sera le centre, duquel & de l'interu. F A, si on décrit la section A E B sur la ligne A B, icelle sera capable de l'angle donné C, comme il est dem. en la 33. p. 3.

Que si l'angle donné eust esté obtus comme G, il eust fallu construire l'angle B A H égal à iceluy, & chercher le centre F comme dessus, duquel & de l'interu. F A, si on décrit la section A I B, elle sera capable de l'angle G.

Que si l'angle donné estoit droit, ne faudroit que descrire vn demy cercle sur la ligne donné.

SCHOLIE.

Que si l'angle estoit donné par nombre, il seroit facile de trouver le demy diamètre A F, avec le compas de proportion, comme est dit au quatrième Corollaire du vingt & unième Axiome, & par conséquent le centre F pour descrire le cercle A F B. Car alors les trois angles du triangle A F B seroient connus, & la base A B donnée.

AXIO. LX. démontré en la 35. p. 3.

Si dans vn cercle, deux lignes droictes s'entrecouppent, le rectangle des deux pieces de l'une, est égal au rectangle des deux pieces de l'autre.

AXIO. LXI. démontré en la 36. p. 3.

Si dehors le cercle on prend quelque poinct, & d'iceluy vers le cercle tombent deux lignes droictes, l'une desquelles coupe le cercle, & l'autre le touche, le rectangle de toute la coupante & de la partie prise dehors entre le poinct & la circonference conuexe, est égal au carré de la touchante.

COROLL. I.

Il est manifeste, que si de quelque poinct pris hors le cercle, on mene plusieurs lignes droictes couppans le cercle, les rectangles compris sous toutes les lignes & les parties exterieures, sont égaux entr'eux.

II.

Il est aussi évident que deux lignes droites tirées d'un même point, lesquelles touchent un cercle, sont égales entr'elles.

III.

Parcèlement il appert que d'un même point pris hors le cercle, on peut seulement mener deux lignes droites qui touchent le cercle.

III.

7. Finalement est manifeste que si de quelque point tombent en la circonférence convexe deux lignes droites égales, & l'une d'icelles touche le cercle, parcèlement l'autre le touchera.

AXIO. LXII. *démonstré en la 37. p. 3.*

Si dehors le cercle on prend quelque point, & d'iceluy point tombent deux lignes droites vers iceluy cercle, l'une desquelles coupe le cercle, & l'autre tombe auprès; si le rectangle de toute la coupante & de la partie prise entre le point & la circonférence convexe, est égal au carré de celle qui tombe auprès; icelle tombante touchera le cercle.


DEFF.

Vne ligne droite se dit estre accommodée au cercle, quant les extrémités d'icelle sont en la circonférence.

PROBL. XXIV.

En un cercle donné, accommoder vne ligne droite égale à vne ligne droite donnée, qui ne soit pas plus grande que le diamètre du cercle, & parallèle à vne autre ligne droite donnée.

Soit le cercle donné ABC, le centre duquel est D, auquel il faut accommoder vne ligne droite égale à la ligne droite donnée EF, qui n'est pas plus grande que le diamètre du cercle, &



qui

qui soit parallele à la ligne droicte G. Soit tiré par le centre D le diametre A D C parallel à G. Que si E F est égale au diametre A G, sera fait ce qui estoit requis: mais si elle n'est égale à iceluy diametre, soit icelle couppée en deux également en H, & soit couppée D I égale à E H, & D K égale à H F, afin que la toute I k soit égale à la toute E F, & par I & k soient tirées à angles droicts L M, N O, & soit joint M o: & icelle M o sera égale à E F, & parallele à G. Car puis que L M, N o sont également distantes du centre, elles seront égales entr'elles par la 14. p. 3. ou Axiome 44. & par la 3. p. 3. ou Axiome 33. elles seront diuisées en deux également en I & k, estans couppées à angles droicts par le diametre A C, & partant I M, k o sont égales: & pource qu'elles sont aussi paralleles par la 28. p. 1. ou Axiome 5, pareillement I k, M o seront égales & paralleles par la 33. p. 1. ou Axiome 22. parquoy veu que I k est égale à E F, & parallele à G, aussi M o sera égale à icelle E F, & parallele à G par la 30. p. 1. ou Axiome 7. Par mesme raison si on tire L N, elle sera égale à E F & parallele à G. Ce qu'il falloit faire.

D E F F.

Vne figure rectiligne se dit estre inscrite au cercle, quand vn chacun angle de la figure inscrite touche la circonference du cerle.


PROBL. XXV.

Dans vn cercle donné, inscrive vn triangle equiangle à vn triangle donné.

Soit le cercle donné A B C, dans lequel il faut faire vn

F

triangle equiangle au triangle donné DEF. Soit mené la ligne GH touchant le cercle au point A, auquel point soient faits les deux angles GAB égal à D, & HAC égal à E, puis soit menée la ligne BC: & le triangle ABC descript dans le cercle sera equiangle au triangle donné DEF, comme il est demonsté en la 2. p. 4.




DEF.

Le cercle se dit estre inscrit en vne figure rectiligne, quand la circonférence du cercle touche vn chacun costé de la figure en laquelle il est inscrit.

PROBL. XXVI.

Dans vn triangle donné, inscrire vn cercle.

Soit le triangle donné ABC, dans lequel il faut inscrire vn cercle. Soient couppés en deux également les angles A & C par les lignes AD, CD s'entre-couppans en D, & d'iceluy point D soit menée DE perpendiculaire à AC, puis du mesme point D & intervalle DE, soit descript le cercle EFG, lequel touchera les trois costez du triangle donné, & partant sera le cercle requis, dont la demonstration est faite en la 4. proposition du 4.



SCHOLIE.

En la mesme maniere on descrira vn cercle qui touchera trois lignes droictes données non parallèles, d'autant que si elles ne se touchent, elles le seront estans continuées, & partant formeront vn triangle.


DEFF.

Vne figure rectiligne se dit estre descrite à l'entour d'un cercle, quand vn chacun des costez d'icelle touche la circonference du cercle.

PROBL. XXVII.

À l'entour d'un cercle donné, descire vn triangle equiangle à vn triangle donné.

Soit le triangle donné DEF, & le cercle ABC, le centre duquel est D, & il faut descire à l'entour d'iceluy cercle vn triangle equiangle au donné. Soit prolongé DF l'un des costez du triangle donné de part & d'autre, jusques en G, H, & du centre D soit menée AD, sur laquelle & au point D soient construits les deux angles ADB égal à l'angle EDG, & ADC égal à l'angle EFH, puis soient menées les trois lignes Ik, KL, LI perpendiculairement aux trois AD, CD, BD, lesquelles se rencontreront aux trois points I, k, L, & feront vn triagle à l'entour du cercle donné, equiangle au triangle donné DEF, comme il est demonstré en la 3. proposition du 4.




PROBL. XXVIII.

À l'entour d'un triangle donné, descire vn cercle.

Soit le triangle donné ABC, à l'entour duquel il faut
F ij


descrire vn cercle. Soiet coupez en deux égalem. les deux costez AB, AC , & à angles droicts, par les lignes DE, FE se rencontrans au point F , & d'iceluy point comme centre, & de l'interuale FA , soit descrit le cercle ABC , & iceluy sera le cercle requis, comme il est demonsté en la 5. p. 4.



PROBL. XXIX.

Dans vn cercle donné descrire vn quarré.

Soit donné le cercle $ABCD$, dans lequel il faut descrire vn quarré. Soient menées les diametres AC , & BD se couppans au centre E à angles droicts, puis soient menées les quatre lignes droictes AB, BC, CD, DA , lesquels feront le quarré requis, comme il est demonsté en la sixième proposition du 4.



SCHOLIE.


Il est enuidens qu'estans donné le diametre du cercle, ou bien le demy diametre. Il est aisé de trouuer aux le compas de proportion le costé du quarré inscrit au cercle, ven que le quarré du diametre AC est double du quarré de AB , & iceluy double du quarré du demy diametre AE .

PROBL. XXX.

A l'entour d'un cercle donné, descrire vn quarré.

Soit le cercle donné $FGSI$, à l'entour duquel il faut


descrire vn quarré. Soient menés les deux diametres F S, & G I se couppans au centre E à angles droicts, & par les deux poinçts G & I, soient menées les deux lignes BGC, A I D paralleles au diametre F S: & pareillement par les deux poinçts F & S, soient menées les deux lignes A F B, C S D paralleles au diametre G I, & icelles quatre lignes paralleles, se rencontrañt es poinçts A, B, C, D, font le quarré requis, cômme il est demonsté en la 7. p. 4.



PROBL. XXXI.

Dans vn quarré donné, descrire vn cercle.

Soit le quarré donné A B C D, dans lequel il faut descrire vn cercle: soient tirées les diagonales A C & B D, s'entrecouppans en E, & d'iceluy poinçt E, soit menée E F perpendiculairement à A B, puis du centre E & interualle E F, soit descript le cercle F G H I, lequel sera inscrit au quarré donné, cômme il est demonsté en la 8. proposition du 4.



SCHOLIE.

D'autant que le demy diametre E F est égal à la moitié du costé du quarré donné, iceluy demy diametre E F sera aisément trouué avec le compas de proportion, & aussi le centre E, attendu que le quarré de B E, est moitié du quarré du costé A B.


PROBL. XXXII.

A l'entour d'un quarré, descrire un cercle.

Soit le quarré donné A B C D, à l'entour duquel il faut

F iij

descrire vn cercle. Soient menées les deux diagonales AC, BD, se couppans en E, duquel point & interualle EA, soit descript le cercle ABCD, qui sera le requis, comme il est démontré en la neuvième proposition du 4. d'Euclide.



SCHOLIE.

Veu que le quarré donné est double du quarré du demy diametre AE, on trouuera aussi aisément avec le compas de proportion le centre. E.

AXIO. LXIV. démontré en la 47. p. 1.

Au triangle rectangle, le quarré du costé qui soutient l'angle droit est égal aux deux quarrés des deux autres costez.

COROLL.

Il est donc manifeste que si deux costez d'un triangle rectangle sont congneus, que l'autre le sera aussi fort aisément: Car si les deux costez donnez sont ceux comprenant l'angle droit, quarrant chacun d'eux, puis adjoignant les deux quarrés ensemble, la racine quarrée du produit sera le costé opposé à l'angle droit; mais si ledit costé opposé à l'angle droit est l'un des donnés, alors il faudra quarrer chacun d'eux; puis du plus grand nombre en soustraire le moindre, & la racine quarrée du reste sera le contenu de l'autre costé du triangle.

AXIO. LXV. démontré en la 48. p. 1.

Si le quarré de l'un des costez d'un triangle est égal aux quarrés des deux autres costez, le triangle sera rectangle.

SCHOLIE.

Or nous descrivons icy deux manieres par lesquelles nous pourrons descrire un triangle rectangle ayant les costez commensurables, en nombre de parties égales, sans fraction, dont la première maniere qui ensuit, est attribuée à Pythagore. Soit pris pour le moindre costé vn

nombre de parties nupair, & iceluy nombre estant quarré soit osté l'vnité de sondu quarré, & la moitié du reste d'iceluy quarré, sera le moyen nombre, auquel adioustant l'vnité prouviendra le plus grand nombre: comme pour exemple, prenant 3 pour le nombre des parties du moindre costé, son quarré est 9, duquel ostans l'vnité restent 8, dont la moitié est 4, pour le nombre des parties du moyen costé, mais adioustant à iceluy l'vnité, viendrons 5, pour le nombre des parties du plus grand costé.

La deuxième maniere qui est attribuée à Platon ensuit. Soit pris vn nombre pair, & du quarré de la moitié d'iceluy soit osté l'vnité, & nous aurons l'vn des deux autres nombres: mais adioustant ladicte vnité, nous aurons le troisiéme nombre: comme pour exemple, prenant 4, pour l'vn des nombres, le quarré de la moitié d'iceluy est 4, dont l'vnité estant ostée, resté 3 pour l'vn des deux autres nombres: mais adioustant ladicte vnité à iceluy quarré, nous aurons 5 pour le troisiéme nombre.

Or nous mettrons encorcs icy la maniere de diuiser vn nombre quarré en tant de nombres quarréz qu'on voudra, & pour ce faire: posons que nous voulions partir 36, nombre quarré en 5 quarréz. Premièrement donc nous trouuerons comme est enseigné cy dessus trois nombres quarréz, dont l'vn soit égal aux deux autres, que nous posons estre 4, 3. Maintenant nous dirons si 5 donnent 4, que donneront 6, qui est la racine de 36, nombre quarré proposé. Item si 5 donnent 3, que donneront 6: & seront trouuez 4 $\frac{1}{5}$ & 3 $\frac{3}{5}$ pour les racines: des deux quarréz égaux au quarré 36 donné. Derechef soit fait côme 5 est à 4, & à 3, ainsi 3 $\frac{1}{5}$ à vn autre, & seront trouuez 2 $\frac{1}{5}$ & 2 $\frac{4}{5}$ racines de deux nombres quarréz égaux au nombre quarré de 36. & partant nous auons déjà trois nombres, desquels les quarréz sont égaux au nombre quarré donné: & iceux nombres sont 4 $\frac{1}{5}$, 2 $\frac{1}{5}$ & 2 $\frac{4}{5}$: si derechef nous faisons, que comme 5 est à 4 & à 3, ainsi 2 $\frac{1}{5}$ à vn autre, seront trouuez deux autres nombres 1 $\frac{1}{5}$ & 1 $\frac{7}{5}$: parquoy delaisant 2 $\frac{1}{5}$ auquel sont égaux les deux derniers trouués: nous auons quatre racines 4 $\frac{1}{5}$, 2 $\frac{1}{5}$, 1 $\frac{1}{5}$ & 1 $\frac{7}{5}$: desquels les nombres quarréz sont égaux au quarré 36 proposé: & finalement si on fait derechef comme 5 est à 4 & à 3, ainsi 1 $\frac{1}{5}$ à vn autre, seront trouuées deux autres racines 1 $\frac{1}{5}$ & 1 $\frac{14}{5}$: parquoy delaisant 1 $\frac{1}{5}$ au lieu de laquelle nous auons trouué les deux dernieres racines, nous aurons trouué cinq racines, 4 $\frac{1}{5}$, 2 $\frac{1}{5}$, 1 $\frac{1}{5}$, 1 $\frac{1}{5}$ & 1 $\frac{14}{5}$: les nombres quarréz desquels sçauoir est, 23 $\frac{1}{5}$, 8 $\frac{14}{5}$, 2 $\frac{1408}{5}$, 1 $\frac{19079}{5}$ & 1 $\frac{16061}{5}$ seront ensemble le nombre quarré prop. 36. & en ceste maniere pourrions estre trouuez d'auantage de quarréz égaux au nombre 36, si on fait comme 5 est à 4 & à 3, ainsi la dernière racine trouuée 1 $\frac{14}{5}$, qui est la moindre, à vn autre, &c.

AXIO. LXVI. démontré en la 12. p. 2.

Aux triangles ambliques, le quarré du costé qui soustient l'angle obtus, est plus grand que les quarréz des deux autres costez de la quantité de deux fois le rectangle, compris du costé contenant l'angle obtus, sçauoir celuy sur lequel estant prolongé, tombe la perpendiculaire, & de la ligne prise dehors entre la perpendiculaire & l'angle obtus.

Il est donc manifeste que les deux costez comprenant l'angle obtus d'un triangle ambligone estans cogneus, ensemble la ligne prise dehors entre la perpendiculaire & l'angle obtus, que l'autre costé du triangle sera aussi cogneu, & encores la perpendiculaire. Car quantant chacun costé donné, & adioustant les deux quarréz avec deux fois le produit du costé sur lequel tombela perpendiculaire, multiplié par la ligne d'entre ladite perpendiculaire & l'angle obtus, viendra le costé opposé à l'angle obtus: & si on quarré la ligne prise dehors entre l'angle obtus & la perpendiculaire, & aussi le costé de l'extremité duquel tombe ladite perpendiculaire, & on oste le moindre quarré du plus grand, restera vn nombre duquel la racine quarrée sera ladite perpendiculaire.

Que si le costé opposé à l'angle obtus, & le costé sur lequel tombe la perpendiculaire, ensemble la ligne prise entre icelle perpendicul. & l'angle obtus estoient cogneus, il est euident par ce que dit est cy dessus, que l'autre costé du triangle, & aussi la perpendiculaire seront pareillement cogneus.

Que si le costé opposé à l'angle obtus, & le costé de l'extremité duquel tombe la perpendiculaire sont cogneus, & aussi ladite ligne d'entre ladite perpendiculaire & l'angle obtus; la perpendiculaire & le troisième costé du triangle seront pareillement cogneus. Car premierement nous cognoissons la perpendiculaire, puis apres ledit troisième costé, comme dit est au Corollaire de la 47. p. 1. ou Axiome 64.


Et finalement il appert encores qu'estans cogneus deux costez, quels qu'ils soient dudit triangle ambligone, & la perpendiculaire; l'autre costé, & la ligne d'entre la perpendiculaire & l'angle obtus, seront pareillement cogneus.

SCHOLIE.

Nous domonstrerons icy ce Theoreme.

Si le quarré du costé d'un triangle est plus grand que les quarréz des deux autres costez, l'angle opposé à iceluy costé sera obtus.

Soit le triangle ABC , dont le quarré du costé AB est plus grand que les quarréz des deux autres costez AC , CB . Je dis que l'angle ACB opposé au costé AB est obtus. Car soit tiré de C perpendiculairement à AB , la ligne CD égale à BC , & soit joint AD ; donc puis que par la 47. proposition 1. ou Axiome 64. le quarré de AD est égal aux quarréz de AC , CD : c'est à dire de AC , BC , & le quarré de AB a esté posé plus grand que les quarréz de AC , CB , le quarré de AD sera moindre que le quarré de AB , & partant la ligne AD moindre que la ligne AB . Parquoy puis que les costez BC , AC du triangle ABC sont égaux aux costez CD , AC ,




da

du triangle ACD , vn chacun au sien, & la base AB , plus grande que la base AD , par la 25. p. r. ou Axiome 13. l'angle ACB sera plus grand que l'angle ACD , mais iceluy ACD est droit: donc ACB est plus grand qu'un droit, & partant obtus. Ce qu'il falloit demonstrez.

Or nous mettrons icy certaines regles, par lesquelles nous pourrons construire vn triangle ambligone, ayant les costez commensurables, & ainsi la ligne d'entre la perpendiculaire & l'angle obtus.

REGLE PREMIERE.

Pour construire vn triangle ambligone Isoscelle ayant les costez & la ligne prise dehors, entre la perpendiculaire & l'angle obtus commensurables. Soit fait le segment extérieur d'autant de parties égales que le nombre d'icelles parties, se puisse diuiser par 7, comme de 7, ou 14, ou 21, ou 28, ou 35, &c. puis apres soit posé pour l'un & l'autre costé égal, le double d'iceluy segment, & outre ce $\frac{1}{2}$ d'iceluy, mais pour le plus grand costé, le quadruple & $\frac{1}{2}$ dudit segment extérieur: comme au triangle ABC , où le segment AD est posé de 7, & l'un & l'autre des costez AB , AC de 18, qui est double & $\frac{1}{2}$ de 7: mais le plus grand costé BC de 30, parties, qui est quadruple & $\frac{1}{2}$ de 7. Or que ce triangle ABC composé comme dessus soit ambligone, il est enident: Car le carré du costé BC est 900, auquel est égale la somme des quarrés des costez AB , AC , & deux fois le rectangle de AB , AD , c'est à dire à la somme de ces quatre nombres, 324, 324, 126, 126: donc le carré de AB , ensemble celui de AC , sont moindres que le carré de BC , & partant par le precedent Theoreme, l'angle BAC est obtus: donc le triangle ABC , duquel les costez & la ligne extérieur AD sont commensurables, est ambligone. Ce qu'il falloit demonstrez.



Que si on multiplie chacun nombre de ce triangle par quelconque nombre, prouviendront les nombres d'un autre triangle proportionnel à ce luy-cy.

Nous constituerons pareillement vn triangle comme dessus, posant le segment AD de quelconques parties qui ne se puissent diuiser premierement par 7, mais alors les costez seront nombres entiers avec fractions.

REGLE II.

Pour construire vn triangle ambligone scalene, duquel les costez & la ligne prise dehors entre la perpendiculaire tombant sur le moindre costé prolongé, & l'angle obtus, soient commensurables. Soit posé le segment extérieur d'autant de parties qu'on voudra qui se puissent nombrer par 5, com-

me 5, 10, 15, 20, &c, & adiouſtât à icelles parties $\frac{1}{2}$ d'icelles, on aura le moindre coſté, & le double d'iceluy donnera le moyen coſté, mais le quadruple du ſegment extérieur ſera le plus grand coſté. Comme ſi nous poſons que le ſegment extérieur ſoit de 10 parties égales, adiouſtant à icelles les $\frac{1}{2}$, viendront 16 pour le moindre coſté du triangle, & doublant 16, nous aurons 32 pour le moyen coſté; & finalement quadruplant 10 du ſegment extérieur, nous aurons 40 pour le plus grand.

R E G L E III.

Pour conſtruire vn triangle ambligone ſcalene, duquel les coſtez & le ſegment extérieur du moyen coſté prolongé iuſques à la rencontre de la perpendiculaire tombant ſur iceluy coſté ſoient oommenſurables. Soit pris encores ledit ſegment extérieur d'autant de parties égales qu'on voudra qui ſe puiſſent nombrer par 5, & adiouſtant au triple d'icelles $\frac{1}{2}$, ſera donné le moindre coſté, le double duquel donnera le moyen coſté, mais multipliant ledit ſegment par 8, nous aurons le plus grand coſté: comme ſi nous poſons 5 pour le ſegment extérieur, & adiouſtons $\frac{1}{2}$ au triple d'iceluy ſegment, nous aurons 16 pour le moindre coſté, & doublant iceluy coſté, viendront 32 pour le moyen coſté: & finalement multipliant ledit ſegment par 8, nous aurons 40 parties pour le plus grand coſté du triangle.

A X I O. LXVII *demonſtré en la 13. p. 2.*

Aux triangles oxigones, le quarré du coſté qui ſouſtient l'angle aigu eſt plus petit que les quarréz des deux autres coſtez de deux fois le rectanglé, de l'un des coſtez qui font l'angle aigu, ſçauoir celui ſur lequel tombe la perpendiculaire, & de la ligne priſe au dedans entre la perpendiculaire & l'angle aigu.

C O R O L L A I R E.

Il eſt donc manifeſte par cecy, que ſi vn coſté d'un triangle oxigone eſt cogné, & auſſi les ſegmens de la baſe faiſts par la perpendiculaire, que l'autre coſté ſera ſemblablement cogné, & auſſi la perpendiculaire.

Or nous mettrons icy la manière de conſtruire vn triangle oxigone, ayant les coſtez & les ſegmens de la baſe oommenſurables en nombre entier, afin de pouuoir par le moyen des nombres faire paroître la vérité de cet axiome, & d'auſſi que les triangles oxigones ſont diuers, & la perpendiculaire peut tomber ſur diuers coſtez, nous deſcrirons certaines regles, par le moyen deſquelles nous paruiendrons à ce que nous auons ſouuent propoſé.

R E G L E . I.

Or d'autant qu'au triangle équilatéral, & à l'isoscèle, la perpendiculaire tombant de l'angle compris des deux costez égaux, fait les segmens de la base égaux. il ne sera difficile de construire tel triangle, ayant les costez & les segmens commensurables en nombre entier. Mais quand le triangle est requis isoscèle, & que la perpendiculaire tombe sur l'un des costez égaux, & que la base du triangle soit plus grande que chacun d'iceux costez égaux, il faut poser le moindre segment d'autant de parties qu'on voudra; & icelles estans multipliées par 8, produiront le plus grand segment; mais si elles sont multipliées par 12, sera produit la base; & les deux segmens estans adioustez, on aura l'une & l'autre des iambes: ce qu'on aura aussi multipliant le moindre segment par 9.

R E G L E . II.

Que s'il est requis que le triangle soit isoscèle, ayant la base moindre que chacune iambe, & que sur l'une d'icelle tombe la perpendiculaire, il faudra poser le moindre segment d'autant de parties qu'on voudra en nombre pair, & multipliant la $\frac{1}{2}$ d'iceluy nombre par 7, on aura le plus grand segment; mais multipliant ledit moindre segment par 3, on aura la base; & finalement la somme des deux segmens sera chacune des iambes, qu'on aura aussi multipliant la $\frac{1}{2}$ du moindre segment par 9.

R E G L E . III.

Que s'il est requis que le triangle soit scalène, & la perpendiculaire tombe sur le moindre costé, il faudra poser le moindre segment d'un nombre de parties qui se nombre par 70, ou 140, ou 210, &c. & adioustant à icelles parties $\frac{2}{70}$, on aura le plus grand segment, & la somme de ces deux segmens sera le moindre costé; mais si les parties du moindre segment sont doublées, & au produit on adiouste $\frac{2}{70}$, c'est à dire $\frac{1}{35}$ d'iceluy segment, sera procréé le moyen costé: & finalement si à ce double du moindre segment, on adiouste $\frac{2}{70}$, c'est à dire $\frac{1}{35}$, on aura le plus grand costé.

R E G L E . IV.

Que si au triangle scalène est requis que la perpendiculaire tombe sur le moyen costé: Soit posé le moindre segment d'un nombre de parties qui se nombre par 5, ou par 10, ou 15, &c. & adioustant à iceluy $\frac{1}{5}$, on aura le plus grand segment, & la somme d'iceux sera le moyen costé; mais si on adiouste $\frac{1}{5}$ au double d'iceluy moindre segment, on aura le moindre costé, mais

G ij

le triple d'iceluy moindre segment sera le plus grand costé.

R È G L E V.

Et finalement s'il estoit requis que la perpendiculaire tombe sur le plus grand costé, soit posé le moindre segment d'un nombre de parties qui se nombre par 33, ou 66, ou 99, &c. & adioustant $\frac{2}{33}$, c'est à dire $\frac{1}{33}$, on aura le plus grand segment, & la somme d'iceux segments sera le plus grand costé; & si au double du moindre segment on adiouste $\frac{4}{33}$, on aura le moyen costé: mais si à iceluy moindre segment on adiouste $\frac{1}{33}$, on aura le moindre costé.


Or nous mettrons encores icy, qu'estans cogneus les costez d'un triangle obliqu'angle, nous sçaurons facilement les segments de la base faits par la perpendiculaire, tombant sur icelle par le moyen d'une regle de trois: car la base est à la somme des costez, comme la difference d'iceux costez est à la difference des segments de ladite base, si les deux angles qui sont sur icelle base sont aigus, ou à la somme d'iceux segments, si l'un desdits angles est obtus.

PROBLEME XXXIII.

Estans proposees deux lignes droictes inegales, en trouuer vne autre, deux quarrez de laquelle soient egaux aux deux quarrez des deux proposees.
ou bien

Estans proposez deux quarrez inegaux, en trouuer deux autres qui soient egaux entr'eux; Et pris ensemble, soient aussi egaux aux deux proposez pris ensemble.

Soient AB & BC, cottez de deux quarrez inegaux, & il faut trouuer les costez de deux autres quarrez egaux entr'eux, & les deux ensemble egaux aux deux proposez. Estans conioints les costez AB, BC à angles droits, soit tiree AC, & sur icelle soient



tirées les deux lignes AD, CD, faisant sur AC les angles égaux, & demy droicts; & icelles seront les deux costez des quarrez requis: car AD, CD seront égaux par la 6.p.1.^{re} ou axiome 9, attendu que les angles D A C, A C D sont égaux, & partant les quarrez d'iceux costez aussi égaux, & par la 32.p.1.^{re} ou axiome 21. l'angle D est droit; & partant par la 47.p.1.^{re} ou axiome 64, le carré de AC est égal aux deux quarrez de AD, CD: mais par la mesme 47.p.1. iceluy carré de AC est aussi égal aux deux quarrez de AB, BC: donc les quarrez de AD, CD sont égaux aux quarrez de AB, CB: ce qu'il falloit faire.


S C H O L I E.

La mesme chose se fera aussi aisément avec le compas de proportion. Car iceluy est à l'angle droit, nous trouverons AC; puis par le moyen d'icelle les deux costez AD, CD.

P R O B L. XXXIII.

Estans proposees deux lignes droictes inegales, en trouver vne autre de laquelle le carré, avec celui de la moindre des données, soient égales au carré de la plus grande donnée.

Soient données les deux lignes droictes inegales AB, CD, dont AB est la plus grande, & il faut trouver vne autre ligne droicte, le carré de laquelle, & celui de CD soient égaux au carré de AB. Sur AB soit décrit le demy cercle AEB, & dans iceluy soit accommodée



AE égale à CD, & soit joint BE. Je dis que le carré de BE & celui de AE sont égaux au carré de AB : car l'angle AEB est droit par la 31. p. 3. ou axiome 1. & par la 47. p. 1. ou axiome 64, les carrés de AE, égale à CD BE sont égaux au carré de AB, ce qu'il falloit faire.

SCHOLIE.

Le mesme se fait aussi facilement avec le compas de proportion : Car iceluy étant ouvert à angle droit, nous aurons incontinent BE, 3^e costé du triangle rectangle.


PROBL. XXXV.

Estans proposez tant de carréx qu'on voudra, trouver vn autre carré égal à tous les donnez.

Soient donnez AB, BC & D, les costez de trois carréx : & il conuient trouuer le costé d'un autre carré égal à iceux.

Ayant disposé AB & BC à angles droicts, soit tirée AC, le carré de laquelle sera égal aux carréx de AB, BC par la 47. p. 1. ou axiome 64, & sur l'extrémité C, soit

leuée EC perpendiculaire à AC, & égale à D : & estât mené la ligne AE, le carré d'icelle sera égal aux trois carréx de AB, BC, & D : car puisque le carré de AC est égal aux carréx de AB, BC, & le triangle ACE à l'angle C droit, & le costé CE égal à D, le carré de AE est égal aux carréx de AC, CE, c'est à dire de AB, BC & D : ce qu'il falloit faire.



SCHOLIE.


Le compas de proportion étant ouvert à angle droit, nous trouuerons incontinent le costé AE.

Or d'autant que par la 2. p. 12. les cercles sont entr'eux comme les quarréz de leurs diametres, il est evident qu'estant proposez tant de cercles qu'on voudra, il sera trouué en la mesme maniere que dessus, le diametre d'un cercle egal à tous les donnez.

PROBL. XXXVI.

Estans proposez deux quarréz, adioindre à l'un ou à l'autre d'iceux vne figure egale à l'autre quarré: sellemens que toute la figure composee soit aussi quarrée.

Soient proposez les deux quarréz A & BD, & il faut adioindre à BD vne figure egale à A, en sorte qu'icelle figure, & iceluy quarré BD fassent aussi vn quarré. Soit prolongé BE tant qu'il sera de besoin, & estât pris d'icelle, BF egale au costé de A, soit tirée CF, & faict BG egale à icelle CF: & estant paracheué le quarré BGHI, la figure CGHIED sera egale au quarré A, mais luy adioignât le quarré BD, toute la figure BGHI sera quarrée: car puis qu'elle est egale au quarré de CF, elle sera aussi egale aux quarréz de BF, & de BC, c'est à dire aux quarréz A & BD, & si on en oste le quarré commun BD, restera le quarré A egal à la figure CGHIED: ce qu'il falloit faire.



SCHOLIE.

Le mesme se fera aussi avec le compas de proportion fort facilement, car il n'y a qu'à trouuer le costé d'un quarré egal aux deux quarréz donnez.

PROBL. XXXVII.

Estant donné l'excez du diametre d'un quarré par dessus le costé d'iceluy quarré, trouuer le costé dudit quarré.

Soit donné AB l'excez du diametre d'un quarré par dessus le costé d'iceluy quarré, & il faut trouuer le costé de ce quarré là. Sur l'extremité B soit leuee perpendiculairement BC egale à AB: puis soit menée AC,



& prolongee iusques en D: tellement que CD soit egale à BC: & AD sera le costé du quarré, dont le diametre excède iceluy costé AD de la ligne AB: car estant tiré DE perpendiculaire à AD, qui rencontre AB prolongee en E, les costez AD, DE seront egaux par la 6. p. 1. ou axiome 9, attendu que les angles A, E, sont egaux & demy droicts: car d'autant qu'au triangle ACB, l'angle ABC est droit, & les costez AB, BC egaux, les angles A, & BCA sont egaux & demy droicts par les 5 & 32. p. 1. ou axiomes 8 & 21: donc AE est diametre du quarré de AD: maintenant soit menée BD, & par la 5. p. 1. les angles CBD, CDB seront egaux; parquoy si on les oste des angles droicts CBE, CDE, resteront les angles DBE, BDE egaux; & partant les costez BE, DE, seront egaux par la 6. p. 1. ou axiome 9: mais veu que le diametre AE surpasse BE de la ligne donnée AB, le mesme diametre AE surpassera le costé du quarré de DE, ou AD, de la grandeur de ladite ligne AB: ce qu'il falloit faire.

SCHOLIE


SCHOLIE.

Le mesme se fera aussi avec la compas de proportion sçavoir est, le mettant à angle droit puis ayant transféré sur la iambe l'excès AB , l'ouverture de l'extremité adionstée a iceluy excès sera la ligne AD : Ou bien sans mettre ledit compas de proportion à angle droit soit mis l'excès AB sur 60. deg. ou sur le premier quarré, & l'ouverture de 90. deg. ou du 2. quarré donnera AC , qui adionstée à l'excès donné, donnera le resté AD .

PROBL. XXXVIII.

Entre deux ligne droictes faisant angle, & infinies, colloquer vne ligne droicte egale à vne ligne droicte donnée, qui fasse avec l'une d'icelles, vn angle égal à vn angle donné: mais il faut qu'iceluy angle donné, & celuy compris des lignes données, soient moindres que deux droits.

Soient deux lignes droictes infinies AB , AC contenant l'angle BAC , & soit donnée la ligne droicte D , & l'angle E , lequel avec l'ang. BAC sont moindres que deux droits, & il faut colloquer entre les lignes AB , AC , vne ligne droicte egale à la ligne D , faisant avec AC vn angle égal au donné E . Soit fait l'angle CAF , égal à l'angle E , prolongeant FA , tellement que AG



soit egale à D , & par G soit menée GB parallele à AC couppât AB en B , & finalement de B soit mené BC parallele à GA couppant AC en C , & icelle BC sera telle qu'il estoit requis. Car puis que par la construction le quadrilataire $ACBG$ est parallelog. BC sera egalé à GA par la 34. p. 1. ou axiome 23. c'est à dire à D , & puis que par la 29.

H

p. 1. ou axiome 6. l'angle BCA est égal à l'angle alterne CAF , & icelluy CAF est égal à l'angle E , les angles BCA & E sont égaux : Ce qu'il falloit faire.

SCHOLIE.


Nous trouverons les lignes AB, AC terminées avec le compas de proportion. Car nous sont donnez deux angles, & vn costé du triangle ABC , & partant sera donné l'autre angle restant de deux droicts : descrivant donc sur la ligne donnée vn triangle ayant l'un des angles de dessus icelle ligne donnée égal à l'angle donné, & l'autre angle égal au restant des deux donnez : nous trouverons les costez AB, AC .

PROBL. XXXIX.

Faire vn parallelogramme égal à vne figure rectiligne donnée, ayant vn angle égal à vn angle rectiligne donné.

Soit le rectiligne donné $ABCD$, & l'angle donné E ; & il conuient faire vn parallelogramme égal au rectiligne $ABCD$, & qui ait vn angle égal à E .

Soit menée la ligne AC , faisant deux triangles de la figure rectiligne donnée, & par la 42. prop. 1. soit fait le parallelogramme GI égal au triangle ACD ayant vn angle égal au donné E , puis sur HI soit fait le parallelogramme HK égal au triangle ABC , ayant vn angle égal au donné E , & le parallelogramme GK sera égal au rectiligne $ABCD$, & aura l'angle F égal à E , comme il est demonsté en la 45. p. 1.



SCHOLIE.

Les costez GF & GL du parallelogramme GK egal au rectiligne donné, seront aussi trouvez par le compas de proportion, par les choses dites es Scholies des problemes precedens : & sera encores aisé de trouver les costez d'un triangle egal audit rectiligne donné, & qui ait un angle egal au donné E .

PROBL. XL.

Estant données deux figures rectilignes inegales, trouver l'excès de la plus grande par dessus la moindre.

Soient donnees deux figures rectilignes A & B , dont A est la plus grande, & il fait trouver l'excès de A par dessus B . Soit fait le parallelogramme CE egal au rectiligne A , puis sur la ligne CD soit fait le parallelogramme CH egal au rectiligne B , ayant l'angle C commun, & le parallelogramme GE sera l'excès du rectiligne A , par dessus le rectiligne B , car puis qu'iceluy est l'excès du parallelogr. CE par dessus le parallelog. CH . Iceluy parallelogr. GE sera aussi l'excès du rectilign. A , par dessus le rectilign. B . Ce qu'il falloit faire:



SCHOLIE.

Les costez GH & GF du parallelogramme GE excès du rectiligne A , par dessus le rectiligne B seront aussi trouvez comme dit est es Scholies des precedents Problemes.


PROBL. XLI.

Estant données deux lignes droictes, trouver leur moyenne proportionnelle.

Soient les deux lignes données AB & C , & il faut trou-

$H \quad ij$

uer leur moyenne proportionnelle. Soit prolongée AB jusques en D , en sorte que BD soit égale à C , puis soit AD coupée en deux également en E , & d'iceluy poinct comme centre & interualle EA , soit descrit vn demy cercle, puis du poinct B , soit esleuée la perpendiculaire BF , jusques à ce qu'elle rencontre la circonference du cercle en F , & icelle perpendiculaire BF , sera la moyenne proportion. requise, comme il est demonsté en la 13. p. 6.



SCHOLIE.

Nous ferons aussi la mesme operation avec le compas de proportion, comme il ensuit. Soit premierement ouuert le compas de proportion à angle droit, puis soient transferées les lignes données AB & C sur l'une des iambes, afin de sçavoir combien chacune d'icelles lignes contient de parties, telles que celles contenues en iceluy compas : ce que faisant, ie trouue que AB en contient 64. & C 16, que j'adiouste ensemble, & font 80, dont ie prend sur la iambe la moitié qui est 40. & posant l'une des pointes du simple compas sur 24, qui est la diff. desdits 40, & des 16 que contient la ligne C , l'autre pointe dudit simple compas va tomber sur l'autre iambe du compas de proportion, au nombre 32, & prenant la grandeur desdites 32 parties, j'ay la ligne BE pour la moyenne proportionnelle requise.

Or il est manifeste par ce que dessus, qu'estant donné vn nombre, il aisé d'auoir la racine quarrée d'iceluy avec ledit compas de proportion. Car trouuant deux nombres qui multipliez l'un par l'autre, produisent le donné, puis paracheuant avec lesdits deux nombres, tout ainsi qu'il a esté fait & dessus avec les deux lignes AB & C , on aura le nombre radical requis. Comme pour exemple, soit donné le nombre 10000, la racine quarrée duquel il faut trouuer: premierement donc ayant trouué que 200 & 50 multipliés ensemble, produisent ledit nombre donné, j'adiouste iceux ensemble, & font 250. dont la $\frac{1}{2}$ est 125. que ie prend sur la iambe du compas de proportion, iceluy estant au preallable ouuert à angle droit, & pose l'une des pointes du simple compas au nombr. 75. qui est la difference d'entre 125 & 50, & l'autre pointe va tom-

ber sur l'autre iambe, au nombre 100. & partant je dis que 100 est racine quarrée du nombre donné 10000.

Que si le nombre donné est plus que 40000, il faut faire comme dessus, excepté qu'au lieu de proceder avec la $\frac{1}{2}$ il faut proceder avec le $\frac{1}{4}$, & le double du nombre qui prouviendra, sera la racine requise.

Autrement, ladite racine se pourra plus aisément trouuer sur la ligne des plans, & pour ce faire Viserons de deux manieres: la premiere, quant le nombre proposé ne sera plus grand que 6400 & alors soit pris sur la ligne droicte dudit compas, 40 parties, & soient posées à l'ouuerture du 16. plan, & icy luy compas estant ainsi ouuert, soit reietté les deux dernieres figures du nombre donné, & pris l'ouuerture du nombre des figures restantes, (laquelle ouuerture estant portée sur la ligne droicte, on aura le nombre radical: Observant que si on prend à peu pres l'ouuerture du reste (c'est à dire des deux dernieres figures retranchées comme parties d'un entier, dont le denominateur est 100.) avec les figures prises, que l'on aura le nombre radical plus precis.

Que si le nombre proposé est plus grand que 6400; il faudra apres auoir retranché les deux dernieres figures prendre la moitié, tiers ou quart &c. du reste, & prendre l'ouuerture d'icelle $\frac{1}{2}$, $\frac{1}{3}$ ou $\frac{1}{4}$ &c. puis poser ladite ouuerture à l'ouuerture de quelque plan qui ait sur le compas double, triple, quadruple &c. & l'ouuerture d'iceluy double, triple, quadruple &c. estant transférée sur la ligne droicte, montrera le nombre radical requis.

Que si le nombre proposé estoit fort grand, l'on n'auroit qu'à retrancher les trois dernieres figures, & proceder comme dessus, ayant au preallable ouuert le compas de proportion, en sorte que le dixieme plan soit ouuert de 100 parties, au lieu que cy-dessus le sixieme plan estoit ouuert de 40 parties seulement.

PROBL. XLII.

Faire vn quarré egal à vne figure rectiligne donnée.

Soit donnée la figure rectiligne A, à laquelle il faut faire vn quarré egal.

Soit fait premierement le rectangle BCD egal au rectiligne A, puis estant prolongé le



costé BC jusques en E, tellement que CE soit égale à CD, & descrit sur BE le demy cercle BFE, soit tirée perpendiculairement CF, laquelle sera le costé du quarré égal au parallelogramme rectangle BD, & par consequent au rectiligne A, comme il est demonsté en la dernière proposition du deuxiême d'Euclide.

SCHOLIE.

Le mesme se fera aussi avec le compas de proportion : sçavoir est trouuans les costez du parallelogramme BD égal au rectiligne A : puis prenant la moyenne proportionnelle entre iceux costez.

DEF.

Vne ligne droicte, est dite estre diuisée en la moyenne & extreme raison, quand la route est au plus grand segment, comme iceluy plus grand segment est au moindre.

PROBL. XLIII.

Coupper vne ligne droicte donnée & terminée en la moyenne & extreme raison.

Soit la ligne droicte donnée AB, qu'il faut coupper en la moyenne & extreme raison. Soit icelle AB coupée en deux également au point C, puis au point B soit élevée perpendiculairement BD égale à CB, & apres auoir mené la ligne AD, soit coupée d'icelle, DE égale à BD, puis de A B, soit coupée AF égale à AE, & icelle AB sera coupée en la moyenne & extreme raison, dont la demonstration est faite en la 30. prop. du 6.



SCHOLIE.

La mesme operation se fera aussi avec le compas de proportion en ceste maniere. Soit premierement ouvert ledit compas à angle droit, puis sur l'une des iambes, soit transferé ladite ligne *AB*, laquelle se termine au nombre 60, & partant la moitié d'icelle est 30, l'ouverture desquels deux nombres, sçavoir est 60. & 30. estant transferée sur la iambe *va* se terminera au nombre 67 peu plus, la distance desquels jusques à 30, moitié de la ligne donnée, estant posée sur icelle ligne *AB*, on l'a coupera au point *F*, ainsi qu'il estoit requis. Autrement, soit posé *AB* à l'ouverture de 60. degr. & l'ouverture de 36. degr. donnera *AF*, comme dessus.

AXIO. LXVIII. démontré en la 1. p. 13.

Si vne ligne est couppée en la moyenne & extreme raison, le quarré de la moitié de la route & du plus grand segment, comme d'une ligne, est quadruple du quarré de la moitié d'icelle ligne totale.

AXIO. LXIX. démontré en la 1. p. 13.

Si le quarré d'une ligne est quintuple du quarré d'une partie d'icelle, le double d'icelle partie estant couppée en la moyenne & extreme raison, le plus grand segment fera l'autre partie de la donnée.

AXIO. LXX. démontré en la 3. p. 13.

Si vne ligne droite est couppée en la moyenne & extreme raison, le quarré du plus petit segment, & de la moitié du plus grand segment, comme d'une, est quintuple du quarré de la moitié du plus grand segment.

AXIO. LXXI. démontré en la 4. p. 13.

Si vne ligne est couppée en la moyenne & extreme raison, le quarré de la route, & le quarré du petit segment ensemble, sont triples du quarré du plus grand segment.

AXIO. LXXII. démontré en la 5. p. 13.

Si vne ligne droicte est couppee en la moyenne & extreme raison, & à icelle on adjouste directement le plus grand segment, la toute composée, sera couppee en la moyenne & extreme raison, & la toute simple sera le plus grand segment.

AXIO. LXXIII. démontré en la 4. p. 14.

Si vne ligne est couppee en la moyenne & extreme raison, les segmens d'icelle, seront prop. aux segmens de toute autre ligne couppee de meisme.

PROBL. XLIV.

Descire vn triangle isoscelle, ayant vn chacun des angles de la base double de l'autre.

Soit la ligne droicte *A B*, couppee en la moyenne & extreme raison au point *C*, puis sur *A B*, soit fait le triangle *ABD*, ayant le costé *B D* egal à *A B*, & la base *A D* egale à *A C*, & iceluy sera le triangle requis, dont la demonstration est faite à la 10. p. 4.



SCHOLIE.

*Veu que par la 32. p. 1. ou axiome 21, les trois angles du triangle ABD sont egaux à deux droicts, & que l'angle B n'est que la moitié d'un chacun de ceux de la base: il est evident qu'iceluy angle B est la cinquiesme partie de deux droicts, c'est à dire 36. deg. & chacun de ceux de la base $\frac{2}{5}$ de deux droicts: c'est à dire 72. deg. & par consequent si sur les extremités de la ligne *A B* donnée, on fait au point *B*, un angle de 36. deg. avec le compas de proportion, & à *A* un angle de 72. deg. on aura le mesme triangle *ABD*. Et par ceste mesme maniere mecanique, il sera aisé de descire vn triangle isoscelle, ayant chacun angle de la base autant multiple de celuy du sommet qu'on voudra.*

DEF.

DEFF.

Les polligones ou figures de plusieurs angles, ou costez, sont celles qui ont plus de 4 angles ou costez, & chacune d'icelles prend son nom du nombre de ses angles ou costez, comme la figure de 5 angles se nomme pentagone; de 6 angles, hexagone; de 7, heptagone; de 8, octogone, &c.

Or iceux polligones sont reguliers ou irreguliers.


Les reguliers, sont ceux qui ont tous les angles, & les costez egaux.

Mais les irreguliers, sont ceux qui ont les angles, & les costez inegaux.

PROBL. XLV.

Dans un cercle donné, decrire un pentagone equiangle,
& equilateral.

Soit le cercle donné A B C, dans lequel il faut inscrire vn pentag. equiang. & equilateral. Soit premierement par le precedent probleme fait le triangle D, ayant vn chacun des angles de la base doub. de l'autre, puis soit inscrit au cercle donné le triag. A B C, equiangle au triangle D. Ce fait, soient tirées les lignes A E, E B, B F, F C egales à A C, & on aura le pentagone A E B F C tel qu'il estoit requis, comme il est demonsté en la II. p. 4.



COROLL.

Il est manifeste par la demonstration de ce Probleme, que l'angle CAE du pentagone, est les $\frac{2}{5}$ de deux droicts. Dont s'ensuit qu'estant donné une

ligne droicte, il sera aisé de faire sur icelle vn pentagone equilateral, & equiangle avec le compas de prop. car descriuant sur l'vne & l'autre extremité de la ligne donnée, vn angle de 108 deg. qui sont les $\frac{1}{2}$ de deux droicts, on aura incontinent le pentagone : mais sera enseigné au Probleme suiuant vne autre maniere pour ce faire.

SCHOLIE.

Le costé du pentagone, & decagone est trouué bien plus facilement comme enseigne Prologée en son Al. Car il ne faut que tirer le diametre GH, & sur iceluy la perpendiculaire BI, puis estant couppe en deux également le demy diametre IH au point k, & fait kL egale à Bk, la ligne BL sera le costé du pentagone, & IL celui du decagone.


Le mesme se peut faire encore plus facilement avec le compas de proportion : car ayant transferé le demy diametre du cercle donné à l'ouuerture de 60 degrés, l'ouuerture de 72 deg. donnera le costé du pentagone.

Or non seulement se trouuera iceluy costé du pentagone avec le compas de proportion, mais aussi le costé de quelconque polligone inscriptible au cercle donné : car diuisant 360 degrés par le nombre des costez du polligone requis, on aura au quotient le nombre des degrés, dont l'ouuerture sera le costé du polligone.

PROBL. XLVI.

Sur vne ligne droicte donnée, descrire vn pentagone equilateral & equiangle.

Soit la ligne droicte donnée AB, sur laquelle il faille descrire vn pentagone equilat. & equiang. Soit couppe AB en C, en la moyenne & extreme raison, puis soit prolongée de part & d'autre, jusques en D, E, tellement que AD, BE soient egales au plus grand segment AC ; en apres de D, A, & interuale AB soient descripts deux arcs s'entrecouppans en F. Item de B, E, & du mesme interuale deux au-



tres arcs s'entrecouppans en G, & finalement de F, G, deux autres arcs s'entrecouppans en H, & soient iointes les lignes AF, FH, HG, GB. Je dis que le pentagone AFHGB décrit sur la ligne droicte donnée AB est equilat. & equiang. Or qu'il soit equilat. il appert par la construction, puis que toutes les lignes sont prises egales à AB. Et qu'il soit equiangle, nous le demonstrerons ainfi. Soit tirée la ligne DF, & le triangle ADF sera isofcelle, ayant vn chacun des angles de dessus la bafe AD double de l'autre, puis que AD est le plus grand segment de la ligne AB, & l'un l'autre des autres costez egaux à icelle AB. Parquoy l'angle DAF contiendra $\frac{2}{3}$ de deux droicts, & partant l'autre angle BAF contiendra $\frac{1}{3}$ de deux droicts. Veu donc que l'angle du pentagone equilateral & equiangle contient les $\frac{2}{3}$ de deux droicts, l'angle BAF, sera l'angle du pentagone equilateral & equiangle. Par la mesme raison, ABG sera angle d'un pentagone equilateral & equiangle. Dont s'ensuit que tout le pentagone est equiangle. Car si on l'acomplit ou qu'on l'imagine estre complet, c'est à dire, que sur FG on descriue deux autres costez, ils tomberont necessairement au poinct H, autrement s'ils se rencontrent au dessus de H, ou au dessous, iceux costez seroient plus grands ou moindres que FH, GH, par la 21. p. 1. ou Axiome 20. & partant ne seroient egaux aux autres costez, ce qui est absurde. Donc le pentagone ABGHF est equilateral & equiangle. Ce qu'il falloit faire.


S C H O L.

Il sera aussi aisé de descrire iceluy pentagone avec le compas de proportion, d'autant que le triangle BAF est isofcelle, dont vn costé est donné, & l'angle BAF de 108 degrés, partant sera trouuée la bafe BF, avec laquelle sera facilement descript le pentagone.

PROBL. XLVII.

Descrire vn pentagone equilateral, & equiangle à l'entour d'un cercle donné.

Soit le cercle donné ABC , à l'entour duquel il faut descrire vn pentagone equilateral & equiangle: dans iceluy cercle, soit descript le pentagone $A E F B C$; & apres auoir mené du centre D les 5 lignes DA, DE, DF, DB, DC , soient menées sur icelles, les 5 perpendiculaires GH, HI, IK, KL, GL lesquelles se rencontrents es cinq points G, H, I, K, L , feront le pentagone $GHIKL$, tel qu'il estoit requis, dont la demonstration est faite en la 12. p. 4.



SCHOLIE.


Estant donné le demy diametre d'un cercle, il sera aisé de trouuer avec le compas de proportion le costé du pentagone, tant inscriptible que circonscriptible au cercle, d'autant que du triangle ADE , les angles & deux costez seront donnés; & paruant le troisieme costé AE sera aisément trouué, & par consequent HE costé du triangle AHE , sera aussi trouué, dont le double HI est costé du pentagone circonscriptible au cercle.

Par mesme maniere se trouueront aussi les costez de quelque polygone que ce soit inscriptible ou circonscriptible au dit cercle, & la perpendiculaire tirée du centre, ou de l'un des angles au costé opposé.

PROBL. XLVIII.

Dans vn pentagone equiangle & equilateral, deſcrire vn cercle, & vn autre à l'entour.

Soit le pentagone A B C D E, dans & à l'entour duquel il faut deſcrire vn cercle. des deux angles B & C, ſoient menées perpendiculairement aux coſtez oppoſites, les lignes B F, C G, leſquelles ſ'entrecouppent au poinct H, qui ſera le centre du pentagone, duquel & de l'intervale H B, eſtant deſcrit le cercle A B C D E, il ſera à l'entour du pentagone, mais de l'intervale H G eſtât deſcrit le cercle G I F, il ſera dâs le pentagone, comme il eſt demonſtré és 13. & 14. p. 4.



SCHOLIE.


Eſtant donné le coſté du pentagone, il ſera fort aisé de trouver avec le compas de proportion le diametre ou demy diametre du cercle inſcriptible ou circonſcriptible audit pentagone: car les angles d'un triangle ſeront cogneus, & vn coſté donné.

PROBL. XLIX.

Dans vn cercle donné, inſcrire vn hexagone equilateral, & equiangle.

Soit le cercle ABC, le centre duquel eſt D, & il faut inſ-

crire en iceluy vn hexagone equilat. & equiang. Soit pris la distance du centre D iusques à A, & soit fait AE egale à icelle interualle de AD , & soient pareillement tirées les lignes EB, BF, FC, CG, GA egale à la mesme interualle, & sera fait l'hexagone $AE B F C G$ tel qu'il estoit requis, dont la demonstration est faite en la 15. p. 4.



C O R O L L.

De la demonstration de ce Probl. appert que le costé de l'hexagone est egal au demy diametre du cercle, dont s'ensuit qu'estant donnée vne ligne droicte, il sera tres-aisé de descrire sur icelle vn hexagone.

AXIO. LXXIII. Démonstré en la 7. p. 13.

Si en vn pentagone equilateral, trois angles pris comme on voudra, sont egaux, il sera equiangle.

AXIO. LXXV. Démonstré en la 8. p. 13.

Si en vn pentagone equiangle & equilateral, deux lignes droictes tirées d'angle en angle s'entre coupent, ce sera en la moyenne & extreme raison, & leurs plus grands segmens seront egaux aux costez du pentagone.

AXIO. LXXVI. Démonstré en la 9. p. 13.

La ligne droicte composée du costé de l'hexagone, & du costé du decagone, tous deux inscrits en vn mesme cercle, est coupée en la moyenne & extreme raison, de laquelle le plus grand segment est le costé de l'hexagone.

AXIO. LXXVII. Démonstré en la 10. p. 13.

Le quarré du costé du pentagone inscrit en vn cercle, est egal aux deux quarrés des costez du decagone, & hexagone inscrit au mesme cercle.

AXIO. LXXVIII. Démonstré en la 11. p. 13.

Si dans vn cercle ayant le diametre rationel, on inscrit vn pentagone equilateral, le costé d'iceluy pentagone est irrationel, appelle ligne mineure.


AXIO. LXXIX. Démonstré en la 1. p. 14.

La ligne perpendiculaire menée du centre vers le costé du pentagone inscrit au cercle, est la moitié des deux costez de l'hexagone & decagone inscrit au mesme cercle.

● PROBL. L.

Dans vn cercle donné, descrire vn quindecagone equilateral & equiangle.

Soit le cercle donné ABC, dans lequel il faut descrire vn quindecagone equilateral & equiangle. Soit premierement trouué A B costé du triangle equilateral inscrit dans iceluy cercle, puis BD, DE deux costez du pentagone, & estant menée A E, elle sera vn costé du quindecagone inscrit au mesme



cercle, & partant si on meine encores 14 lignes dans iceluy cercle égales à icelle A E, on aura le quindecagone requis, dont la demonstration est faicte en la 16. p. 4.

D E F F.

Semblables figures rectilignes, sont celles qui ont les angles egaux, & les costez qui sont au long des angles egaux proportionaux.

AXIO. LXXX. Démonstré en la 1. p. 12.

Les polligones semblables inscrits aux cercles, sont l'un à l'autre comme les quarez descrits des diametres des cercles.

AXIO. LXXXI. démontré en la 7. p. 5.

Les grandeurs egalles ont mesme raison l'une que l'autre à vne troisieme, & ceste troisieme aura mesme raison à deux grandeurs egalles.

AXIO. LXXXII. démontré en la 11. p. 5.

Les raisons qui sont de mesme à vne sont de mesmes entr'elles,

AXIO. LXXXIII. démontré en la 3. p. 13.

Les grandeurs sont entr'elles, comme sont leurs equemultipliques entr'elles.

D E F F.

La haulteur d'une chacune figure, est la perpendiculaire tirée du sommet à la base.

AXIO. LXXXIII. démontré en la 1. p. 6.

Les triangles, & les parallelogrammes de mesme haulteur sont l'un à l'autre, comme leurs bases.


SCHOL.

SCHOLIE.

Nous démonſtrerons icy le Theoreme ſuiuant.

Les triangles & parallelogrammes conſtituez ſur baſes égales, ou ſur meſme baſe, ſont entr'eux comme leurs hauteurs.

Soient deux triangles ABC, DEF , & les parallelogrammes $AGBC$,



$DEFH$ ayans les baſes BC, EF égales. Je dis que le triang. ABC eſt au triangle DEF , & le parallelogramme G au parallelogramme EH , comme la hauteur AI à la hauteur DK . Car ſi on prend les lignes IL, KM égales aux baſes BC, EF ; & ſont tirées les lignes AL, DM , le triangle ALI ſera égal au triangle ABC , & le triangle DKL égal au triangle DEF . Parquoy par la 7. p. 5. ou Axiome 81. comme ABC ſera à DEF , ainſi ALI à DKM , mais par la 1. p. 6. ou Axiome 84. comme ALI eſt à DKM , ainſi AI à DK : (car ſi on poſe les baſes eſtre AI, DK , les lignes LI, KM , ſeront les hauteurs:) donc auſſi ABC ſera à DEF , comme AI à DK . Ce qu'il falloit prouuer.

Or par la 15. p. 5. ou Axiome 83. comme ABC eſt à DEF , ainſi le parallelog. $AGBC$ ſera au parallelog. $DEHK$: donc par la 11. p. 5. ou 82. axiome, $AGBC$ ſera pareillement à $DEHK$, comme AI à DK . Ce qu'on peut auſſi confirmer en la meſme maniere, ſi on tire les lignes LG, MH . Le meſme ſ'enſuiuit ſi les triangles & les parallelogrammes auoient meſme baſe.

AXIO. 85. Démonſtré en la 7. p. 5.

Si l'on mene vne ligne parallele à l'un des coſtez d'un triangle, icelle coupera les autres coſtez d'iceluy prop. & ſi les coſtez ſont coupez proportionnellement, la ligne coupante ſera parallele à l'autre coſté.

K

AXIO. 86. *Demonstré en la 3. p. 6.*

Si l'angle d'un triangle est coupé en deux également, tombant la ligne coupante sur la base, les segmens de la base seront l'un à l'autre comme les autres costez : & si les segmens de la base sont l'un à l'autre comme les autres costez, la ligne tombante coupera l'angle en deux également.

AXIO. 87. *Demonstré en la 4. p. 6.*

Les triangles equiangles ont les costez qui sont au long des angles egaux, proportionaux.

COROLL.

De cecy s'ensuit, que si on mene une ligne droite parallele à un costé d'un triangle, elle coupera un triangle semblable à tout le triangle.

AXIO. 88. *Demonstré en la 5. p. 6.*

Les triangles qui ont les costez prop. ont aussi les angles egaux, qui sont compris des costez proportionaux.

AXIO. 89. *Demonstré en la 6. p. 6.*

Si deux triangles ont un angle egal à un angle, & les costez au long d'iceux angles egaux proportionaux, ils seront equiangles.

AXIO. 90. *Demonstré en la 7. p. 6.*

Si deux triangles ont un angle egal à un angle, & les costez au long des autres angles proportionaux, estans iceux autres angles de mesme espee, iceux triangles seront equiangles.

AXIO. 91. *Demonstré en la 8. p. 6.*

Si de l'angle droit d'un triangle rectangle on tire une perpendiculaire sur la base, les triangles au long de la perpendiculaire sont semblables au tout & entr'eux.

COROL.

Par cecy est manifeste que la perpendiculaire tombant de l'angle droit d'un triangle rectangle sur la base, est moyenne prop. entre les segmens de la base. Item que l'un ou l'autre costé comprenant l'angle droit, est moyen proportionnel entre toute la base, & le segment d'icelle base adjacent à iceluy costé.

AXIO. 92. *Demonstré en la 31. p. 6.*

Aux triangles rectangles, la figure descrite sur le costé qui soutient l'angle droit, est egale aux deux autres figures qui luy sont semblables, & semblablement posées sur les deux autres costez.

AXIO. 93. *Demonstré en la 32. p. 6.*

Si deux triangles ont deux costez proport. à deux costez, & sont disposcz faisant vn angle de telle façon que les costez prop. soient parall. les deux autres costez se rencontreront directement.

D E F.

Figures reciproques, sont celles desquelles les costez sont alternativement proportionaux.

AXIO. 94. *Demonstré en la 14. p. 6.*

Les parallelogrammes egaux ont les costez reciproques: & les parallelogrammes qui ont les costez reciproques, sont egaux, moyennant qu'ils ayent vn angle egal.

AXIO. 95. *Demonstré en la 15. p. 6.*

Les triangles egaux ont les costez reciproques: & les triangles qui ont les costez reciproques sont egaux, moyennant qu'ils ayent vn angle egal.

D E F.

Raison egale, est lors qu'il y a plusieurs grandeurs d'un costé, & aucunes de

K ij

l'autre en multitude, prise de deux en deux en mesme raison, & que la premiere des premieres grandeurs est à la derniere des mesmes, comme la premiere des secondes est à la derniere des mesmes.

Ou bien, c'est lors qu'on prend les extremes delaisant les moyennes.

AXIO. 96. Démonstré en la 22. p. 5.


S'il y a tant de grandeurs qu'on voudra, & autant d'autres, prises de deux en deux en mesme raison; icelles en raison egale seront proportionnelles.

PROBL. LI.

Sur vne ligne droicte donnée, descrire vne figure rectiligne semblable & semblablement posée à vne figure rectiligne donnée.

Soit la ligne droicte donnée A B, sur laquelle il faut faire vne figure semblable & semblablement posée à la figure rectiligne donnée C D E F.

Soit diuisée la figure donnée en trianl. par la ligne CE, puis soit fait sur la ligne A B & au point A, l'angle B A G egal à l'angle C D E: & au point B, l'angle A B G egal à l'angle D C E, tellement que B G rencontre A G en G: puis sur la ligne B G & au point B, soit fait l'angle G B H



egal à ECF , & au point G l'angle BGH egal à l'angle CEF : & cela fait la figure $ABHG$ sera descrite ainsi qu'il estoit requis, dont la demonstration est faicte en la 18. p. 6.

AUTREMENT.

Soit fait CG egale à AB , puis estant produictes les lignes CH, CI , de G soit menée GH parallele à DE , & de H soit aussi menée HI parall. à EF , & ainsi consequemment s'il y auoit d'auantage de costé: quoy fait la figure $CGHI$ sera descrite sur CG egale à AB , semb. & semblablement posée à la figure $CDEF$. Car puis que l'angle DCF est commun, & les angles CDE, CFE sont egaux aux angles CGH, CIH par la 29. p. 1. ou axiome 6. Item, les angles CED, CEF , aux angles CHG, CHI : c'est à dire, que tout l'angle DEF est egal à tout l'angle GHI , les rectilignes $CDEF, CGHI$, seront equiangles: Mais aussi les costez d'alentour les angles egaux sont prop. Car d'autant que les triangles CDE, CEF sont equiangles aux triangles CGH, CHI , comme CD sera à DE , ainsi CG à GH par la 4. p. 6. ou axiome 87. Item, comme CE à FE , ainsi CI à IH . Item, comme DE est à EC , ainsi GH est à HC , & comme EC est à EF , ainsi HC est à HI , & partant en raison egale, comme DE est à EF , ainsi GH à HI . Item, comme DC est à CE , ainsi GC à CH , & comme EC est à CF , ainsi HC à CI , & partant par raison egale, comme DC est à CF , ainsi GC à CI : donc les figures rectilignes $CDEF, CGHI$ sont sembl. & semblablement posées. Ce qu'il falloit faire.

SCHOLIE.

Le mesme se pourra aussi faire avec le compas de proportion, trouvant premierement GH 4. proportion. aux trois CD, DE, AB : puis CH 4. proportion. aux trois CD, CE, AB , & d'icelles GH, CH avec AB estant descrit le triangle CGH soit trouué la 4. prop. pour former des triangles semblables à ceux de la figure donnée.

D E F.

Quand trois grandeurs sont proportionelles, la premiere est dite auoir à la troisieme, la raison doublée de celle de la deuxieme: s'il y en a 4. la premiere est dite estre à la quarte, en raison triplée de la premiere à la seconde.

AXIO. 97. demonstté en la 19. p. 6.

Les triangles semblables sont l'un à l'autre en raison doublée de leurs costez proportionaux.

C O R O L L.

De cecy est manifeste, que si trois lignes droictes sont proportion. comme la premiere est à la troisieme, ainsi le triangle descrit sur la premiere au triangle sembl. & semblablement descrit sur la deuxieme, ou le triangle descrit sur la deuxieme au triangle semblable & semblablement descrit sur la troisieme.

AXIO. 98. Demonstté en la 20. p. 6.

Les polligones semblables sont l'un à l'autre en raison doublée de leurs costez prop. & peuuent estre diuisez en nombre egal des triangles semblables entr'eux, & proportionaux à leur tout.

C O R O L L.

De cecy est manifeste, que s'il y a trois lignes proportion. comme la pre-

miere est à la troisieme, ainsi le polligone descript sur la premiere sera au polligone semb. & semblablement descript sur la deuxieme, où ainsi le polligone descript sur la deuxieme au polligone semb. & semblablement descript sur la troisieme.

AXIO. 99. Démonstré en la 21. p. 6.

Les figures rectilignes semblables à vne, sont semblables entr'elles.

AXIO. 100. Démonstré en la 22. p. 6.

Si quatre lignes sont proportion. les figures rectilignes sembl. & semblablement descriptes sur icelles, seront aussi prop. & si icelles figures ainsi descriptes sont proportionelles, icelles lignes seront aussi proportionelles.

D E F.

Vne raison est dictée estre composée de raisons, quand elle est produicte d'icelles raisons multipliées l'une par l'autre.

AXIO. 101. Démonstré en la 23. p. 6.

Les parallelogrammes equiangles sont l'un à l'autre en raison composée de leurs costez.


S C H O L I E.

Nous demonstrerons icy deux theoremes, lesquels nous seront necessaires pour appuyer quelques unes de nos demonstrations.

Les triangles ayans vn angle egal à vn angle, sont l'un à l'autre en la raison composée des costez comprenant l'angle egal.

Soient les triangles ABC, DEF ayans l'angle A egal à l'angle D. Je dis que la proportion du triangle ABC au triangle DEF est composée de celle des costez comprenant iceux angles egaux: c'est à dire, de la raison de AB à DE,


de celle de AC à DF , ou bien de la raison de AB à DE , & de celle de AC



à DE . Car étant parachevé les parallelogrammes AG , DH , ils seront equiangles, & partant ils seront en raison composée de leurs costez par la 23. p. 6. ou axiome 101. donc puis que les triangles ABC , DEF sont moitiez d'iceux par la 34. p. 1. ou axiome 23. ils seront en mesme proportion par la 15. p. 5. ou axiome 93. & partant la proportion du triangle ABC au triangle DEF sera aussi composée de la raison de AB à DE , & de la raison de AC à DF , &c. Ce qu'il falloit prouver.

Les triangles ayans vn angle egal à vn angle, ont mesme proportion entr'eux, que les rectangles contenus des costez comprenant l'angle egal.

Soient les triangles ABC , DEF ayans l'angle B egal à l'angle E . Je dis que le triangle ABC est au triangle DEF , comme le rectangle de AB , BC est au rectangle de DE , EF . Car par le precedent theoreme la proportion du triangle ABC au triangle DEF est composée des proportions de AB à DE , & de BC à EF : mais par la 23. p. 6. la proportion du rectangle de AB , BC , au rectangle de DE , EF est aussi composée des mesmes raisons de AB à DE , & BC à EF . Donc le triangle ABC sera au triangle DEF , comme le rectangle de AB , BC au rectangle de DE , EF . Ce qu'il falloit demonst. AXIO.



AXIO. 102. Démonstré en la 24. f. 6.

En tout parall. les parallelogrammes descrits sur le diametre ayant vn angle commun au total, sont semblables entr'eux & au total.


AXIO. 103. Démonstré en la 26. p. 6.

Si d'un parallelogramme on oste vn parallelogramme semblable & semblablement posé au tout, ayant vn angle commun avec le tout, l'osté sera avec le tout sur vn mesme diametre.

PROBL. *Liii.*

Describe vne figure rectiligne semblable à vne autre donnée,
Et egale à vne autre proposée.

Soient données deux figures rectilignes ABC & D : & il conuient faire vne figure semblable à celle de ABC : mais egale à celle de D . Sur la ligne AC soit fait le parallelogramme rect. AF egal à la figure rectilig. ABC . Item sur la ligne AE soit descript le parallelogramme rect. HA egal à la figure D . puis soit trouué AI moyenne proportionnelle entre GA, AC : & finalement soit descript sur ladite ligne AI vne figure semblable à la donnée ABC , & on aura AIk pour la figure requise, comme il est demonsté en la 25. p. 6.



SCHOLIE.

Les costez de la figure Alk se trouveront aussi avec le compas de proportion, sçavoir est trouvant le costé AE du rectangle égal à AB , & aussi AG autre costé du rectangle HA égal à D , puis la moyenne proportionnelle AI , & finalement les costez Ak, Ik .

DEFI.

*Vn parallelogramme appliqué selon quelque ligne droicte, est dit deffail-
ler d'un parallelogramme, lors qu'il ne peut occuper entièrement la ligne,
mais excéder quand il occupe vne plus grande ligne que celle selon laquelle
il est appliqué, en telle sorte toutesfois que le parallelogramme deffailant ou
excedant, ait vne mesme hauteur que le parallelogramme appliqué, & con-
sistne avec iceluy vn seul parallelogramme.*


AXIO. 104. Démonstré en la 27. p. 6.

De tous les parallelogrammes descrits sur vne mesme ligne, &
deffailant à icelle d'un parallelogramme semblable à vn autre des-
crit sur la moitié de la mesme ligne, le plus grand est celuy qui est
descrit sur l'autre moitié de la ligne.

PROBL. LIII.

*Sur vne ligne droicte donnée, appliquer vn parallelogramme des-
failant d'un parallelogramme semblable à vn autre donné, &
égal à vne figure rectiligne donnée, laquelle ne soit plus
grande que le parallelogramme descrit sur la moitié de
la ligne & semblable au donné.*

Soit la ligne droicte donnée A B, sur laquelle il faut ap-
pliquer vn paralleogr.
deffailant d'un paral-
logramme semblable
au parallelogramme C,
mais égal au rectiligne
donné D. Soit la ligne
A B coupée en deux
egalement en E, & sur



la moitié EB , soit décrit le parallelogramme EG semblable à C , puis soit accomply le parallelogramme $ABGH$: maintenant si AF est egal à D , on a ce qu'on demande: (ce qui se cognoistra reduisant D en parallelogramme, & sur la ligne AE) Ques'il n'est egal à D , il sera plus grand, car il ne peut estre moindre par l'hypot. soit alors trouué l'excès $IKLM$, puis soit décrit le parallelog. NP semblable & semblablement posé à C ou à EG , mais egal à l'excès trouué IL . En apres de BG, BE , soient couppées BR, BS : egales aux costez OP, ON : puis soit paracheué le parallelogramme $BRTS$, lequel sera egal à iceluy NP , mais semblable & semblablement posé au tout EG : & apres auoir continué RT iusques en V , le parallelogramme AT sera celuy requis, comme il est demonsté en la 28. p. 6.

SCHOLIE.

Les costez du parallelogramme AT seront aussi trouuez avec le compas de proportion. Car estant AB couppée en deux egalelement, & trouuée BG 4. prop. a celles de C , & EB , sera trouué puis apres l'un des costez de l'excès IK , & l'autre est egal à AE : puis estant trouué par le Scholie du Probl. precedent, les deux costez NO, OP , soient retranchées de BA, BG , les lignes BS, BR egales à OP, NO , & on aura AS , & ST , qui est egal à BR , pour les costez du parallelogramme requis.


PROBL. LIV.

Sur vne ligne droicte donnée, appliquer vn parallelogramme egal à vn rectiligne donné, excédant d'un parallelogramme semblable à vn autre donné.

Soit AB la ligne donnée, & le rectiligne donné soit C : & il faut sur icelle AB appliquer vn parallelogramme egal

au rectiligne C, excédant d'un parallélogramme semblable au parallélogramme donné D.

Soit A B coupée en deux également en E, & sur la moitié E B soit décrit le parallélogramme E G semblable à D, puis soit fait le parallélogramme H K égal aux deux D & E G, & semblable



à l'un d'eux : & d'autant que les costez d'iceluy sont plus grands que F G, F E, soient iceux prolongez à l'égal de K L, L H, & estant acheué le parallélogramme F O, soit prolongé G B & A B jusques en P, Q, & paracheuant le parallélogramme A O, iceluy sera égal au rectiligne C, & appliqué selon la ligne A B, excédant du parallélogramme B O semblable au donné D, comme il est démontré en la 24. prop. 6.

SCHOLIE.


Il est évident que les costez du parallélogramme A O seront aussi trouvés avec le compas de proportion : Car premierement sera trouvé B G quatrième proportionnelle aux costez de D, & à E B : puis seront trouvés les costez H I, I K, du parallélogramme H K : & estant osté de H L, B E, restera le costé E N ou Q O son égal, mais estant adjointé H L à A E, on aura l'autre costé A Q.

PROBL. LV.

Estant donné un parallélogramme, le diuiser en tant de parties égales qu'on vaudra par lignes parallèles aux deux costez opposés.

Soit le parallélogramme donné A B C D, qu'il faut diui-

uifer en cinq parties egales par lignes paralleles aux deux costés opposites AB, DC . Soit diuisé l'un des deux autres costés, sçauoir AD en 5. parties egales aux points E, F, G, H ; puis d'iceux soient menées $EI, FK, GL, & HM$, paralleles à icelle AB , & le parallelograme AC sera coupé par icelles paralleles ainsi qu'il estoit requis: car les parallelogrammes $AI, EK, FL, GM & HC$, sont egaux par la 38. p. 1. ou 1. p. 6. qui sont les Axiomes 27. & 84. Ce qu'il falloit faire.



PROBL. LVI.

Diuiser vn parallelogramme en deux egalement par vne ligne droicte tirée d'un point donné, soit ou dehors ou dedans iceluy, ou au costé.

Soit le parallelogramme $ABCD$, qu'il faut premierement couper en-deux egalement par vne ligne droicte tirée du point E hors d'iceluy. Soit tiré le diametre AC , & soit coupé iceluy en deux egalement en F , puis de E par F soit menée EG , & elle coupera le parallelogramme donné en deux egalement: Car d'autant que par la 29. p. 1. ou Axiome 6. l'angle CGF est egal à l'angle AHF , & par la 15. p. 1. ou Axiome 3. l'angle CFG est egal à l'angle AFE , & le costé AF egal au costé CF , les costez GF, FH , seront egaux par la 26. p. 1. ou Axiome 14. & par la 4. p. 1. les triangles GFC, AFH seront aussi



egaux, donc leur adioustant le trapeſe commun $ABGF$, le triangle ABC ſera egal au trapeſe $ABGH$: mais le triangle BAC eſt moitié du parallelogramme $ABCD$, par la 34. p. 1. ou 23. Axiome, donc auſſi le trapeſe $ABGH$ ſera moitié d'iceluy parallelogramme.


En la meſme maniere on diuiſera le parallelogramme en deux egale-ment, par la ligne HIG , menée par le point interieur I , ou bien du point H au coſté.

PROBL. LVII.

Sur vne ligne droitee donnée, deſcrire vn triangle ayant deux angles egaux à deux angles donnez, mais il faut qu'ils ſoient moindres que deux droits.

Or les deux angles donnez ſe deuront faire tous deux ſur la baſe, ou bien vn ſeulement: qu'il faille donc premie-
rement faire ſur la ligne AB donnée, vn triangle ayant les
deux angles ſur la baſe egal
aux deux donnez C & D . Soient
faits ſur ladite lig. AB les deux
angles BAE , ABE , egaux aux
deux donnez, continuant les
lign. juſques à ce qu'elles ſ'en-
tre-couppent en E , & ſera fait
le triangle AEB , tel qu'il eſtoit
requis, comme il eſt manifeſte par la conſtruction.

Secondement, qu'il faille faire ſur AB vn angle egal à
 C , & celuy du ſommet egal à D . Soit fait au point A l'an-
gle BAE egal à C , puis ſur AE comme au point F , ſoit
fait l'angle AFG egal à D : & d'autant que la ligne FG ne
ſ'eſt rencontrée à l'extremité B , ſoit d'iceluy point B me-



née BH parallele à GH , & le triangle AHB sera tel qu'il estoit requis. Car par la construction l'angle A est egal à C : & veu que les lignes FG, HB , sont paralleles, les angles AFG, AHB , sont egaux par la 29. p. 1. ou 6. Axiome, mais AFG par la construction est egal à D . Donc aussi l'angle AHB est egal à D . Ce qu'il falloit faire.

S C H O L.

Les données estans en nombres, on descrira aussi facilement le triangle: car les trois angles d'iceluy seront cogneus, & par consequent on n'aura qu'à descrire sur A & B deux angles egaux à ceux de dessus la base, & on formera le triangle.

Or nous mettrons icy comment estans cogneus deux angles & un costé d'un triangle, nous cognoistrons les deux autres costez.

Soient premierement trouués les Sinus d'un chacun angle du triangle, puis apres soient faites deux regles de trouuer au premier terme de chacune desquelles soit mis le Sinus de l'angle opposé au costé donné, au deuxieme lieu iceluy costé donné, & au troisieme terme le Sinus de l'angle opposé au costé qu'on voudra trouuer, & viendra au produit de chacune regle de trois le costé requis.

Autrement, si le triangle donné est oxigone, ou bien s'il est ambliogone, & que le costé donné soit l'un des deux comprenant l'angle obtus, vous ouuurez le compas de proportion de la grandeur de l'un des angles aigus, puis soit trouué la perpendiculaire tombant du nombre des parties du costé donné sur la iambe opposite, & ayant ouuert le compas de proportion de la grandeur de l'autre angle aigu, soit pris la perpendiculaire trouuée avec le simple compas, & soit posé l'une des pointes d'iceluy sur l'une des iambes dudit compas de proportion, sur cel nombre que l'autre pointe tombe perpendiculairement sur l'autre iambe, & ce nombre là sera le nombre des parties de l'un des costez incogneus, & prenant avec le simple compas le nombre du costé donné, & posant l'une des pointes sur l'une des iambes au dernier nombre trouué, le nombre sur lequel ira tomber l'autre pointe dudit simple compas sur l'autre iambe, sera celuy des parties de l'autre costé demandé. Mais le triangle estant ambliogone, & que le costé opposé à l'angle obtus soit celuy donné, il faudra trouuer la perpendiculaire, puis ayant ouuert le compas du complément, ache-


ner comme dessus.

Autrement, il faudra doubler le nombre des angles donnés, (observant que s'il y en a d'obtus, de prendre le complément au lieu d'iceluy) puis faire deux regles de trois sur le costé des degrés, mettant au premier terme de chacune d'icelle le double de l'angle opposé au costé donné, au deuxiesme terme iceluy costé donné, & au troisieme terme le double de l'angle opposé au costé qu'on voudra trouver, & viendront les costez requis: c'est à dire, qu'ayant mis le costé connu à l'ouverture du double des degrez desdits angles opposez, l'ouverture du double de chacun des deux autres angles, donnera son costé opposé.

PROBL. LVIII.

Estant donnée la base d'un triangle, un angle de dessus icelle, & la hauteur d'iceluy triangle, trouver le triangle.

Soit donné A B, sur laquelle il faut descrire un triangle ayant un angle au dessus d'icelle égal à l'angle C, & que la hauteur d'iceluy triangle soit égale à D. Soit fait au point A l'angle B A E égal au donné C, puis soit à iceluy point A élevée la perpendiculaire A F égale à D, & du point F soit menée E F parallèle à A B, jusques à ce qu'elle rencontre A E interminée, & estant tirée E B, le triangle A E B sera le requis. Car par la construction, l'angle B A E est égal à C, & ayant mené E G parallèle à F A, elle luy sera aussi égale par la 34. p. 1. ou axiome 23. mais icelle F A est égale à D, donc aussi E G qui est la hauteur du triangle A B E. Ce qu'il falloit faire.



SCHOLIE.


Nous pourrions trouver aussi les costez du triangle avec le compas de proportion, soit que les données soient déclarées en lignes simplement, ou qu'elles soient

soient spécifiées par nombres, comme pour exemple. Soit AB de 50, D de 29, & l'angle C de 45: deg. & il faut trouver les deux autres costez du triangle: premierement soit ouvert le compas de proportion de 45 degrés, puis soit portée D à son point de l'une des iambes, qu'elle tombe perpendiculairement sur l'autre iambe, & trouvant que c'est du nombre 41, tel sera le costé AE ; & prenant l'ouverture de 41 & 50, on aura le costé EB de 30 $\frac{1}{3}$, ou environ.

PROBL. LIX.

Estans donnés les deux costés d'un triangle, & l'un des angles de dessus la base; trouver le triangle.

Soient A & B les deux costez d'un triangle, & C l'un des angles de dessus la base: & il faut descrire le triangle, soit tirée la ligne DE indéterminée, & sur icelle au point D , soit fait l'ang. EDF égal à C , puis ayant fait DF égal à A , du centre F , & intervalle B , soit descrit un arc, qui coupe DE en E : quoy fait soit tirée la ligne droite FE , & le triangle DEF sera le requis, comme il est manifeste par la construction.



SCHOL.

La base DE sera aussi trouvée avec le compas de proportion: car icelui compas estant ouvert de l'angle donné, il ne faudra que prendre le costé opposé à l'angle donné, & posant l'une des pointes du simple compas à l'extrémité de l'autre costé, ou l'autre pointe ira tomber sur l'autre iambe, sera mesuré la grandeur de la base.


Que si les deux angles connus estoient aussi requis, ils seront aisément trouvés, par ce qui a été enseigné au Scholie du Probleme 9.

M

PROBL. LX.

D'une ligne droite donnée, oster la partie demandée.

Soit la ligne droite donnée AB , de laquelle il faut oster la cinquième partie. Du point A soit menée la ligne AC tant grande qu'on voudra, faisant angle avec AB , & en icelle AC soient prises cinq grandeurs égales, savoir AD, DE, EF, FG & GH , & apres auoir mené BH du point B , soit menée la ligne DI parallèle à HB , & AI sera la cinquième partie de la ligne AB requise à couper. Ce qui est démontré à la 9. p. 6.



SCHOLIE.

Nous ferons la même chose avec le compas proportion, prenant ladite ligne AB & la portant à l'ouverture d'un nombre qui soit la partie requise, comme en cet exemple, où est requis la cinquième partie, soit posée icelle AB à l'ouverture de 100, & prenant l'ouverture de 20, qui est la cinquième partie de 100: nous aurons la cinquième partie d'icelle AB .

Que s'il eust fallu oster de ladite ligne AB plusieurs parties, comme pour exemple $\frac{2}{3}$, il eust fallu tirer la parallèle FL , & le segment AL eust les $\frac{2}{3}$ parties de ladite AB . Ou bien prendre au compas de proportion l'ouverture de 60, qui sont les $\frac{2}{3}$ de 100, à l'ouverture desquels a esté transféré: ladite ligne AB .

COROLL.

Par les choses dessusdites, il est evident qu'estant proposé à couper une ligne droite en tant de parties égales qu'on voudra, il sera aisé de ce faire tant Geometriquement que mechaniquement, avec le compas de prop.


Or outre la maniere cy dessus déclarée, pour couper une ligne droite

en tant de parties égales qu'on voudra, & delaisant plusieurs autres manieres, nous adjoûterons encore la suivante.

PROBL. LXI.

Estant donnée vne ligne droite, la couper en tant de parties égales qu'on voudra.

Soit la ligne donnée AB , qu'il faut couper en cinq parties égales: de l'extrémité A soit menée la ligne AC tant qu'il sera de besoin, faisant ang. avec AB , puis de l'extrémité B soit menée BD parallèle à AC , & de AC soient coupées




quatre parties égales AE, EF, FG & GH , qui est vne partie moins que celles esquelles il faut couper la ligne donnée, & du point B en BD , soient prises aussi les quatre parties BI, IL, LM, MN , égales à celles de la ligne AC : puis étant menées les lignes EM, FL, GK & HI , elles couperont la ligne AB en cinq parties égales. Car puis que les lignes EF, ML sont parallèles entr'elles, par la 33. p. 1. ME, LF , seront aussi parallèles entr'elles: & par mesme raison LF, KG, HI , seront pareillement parallèles. Veu donc que AH est coupée en quatre parties égales, AQ le sera aussi. par mesme raison BN sera encore diuisée en quatre parties égales, par ce que BM a esté coupée en autant de parties égales. Parquoy veu que tant AN que BQ sont égales à chasque parties, NO, OP, PQ ; toutes les cinq parties AN, NO, OP , & QB , seront égales entr'elles. Ce qu'il falloit faire.

PROBL. LXII.

Coupper semblablement vne ligne droite donnée non coupée, à vne autre ligne droite donnée & coupée.

Soit la ligne droite donnée & coupée AC , sçauoir est en D, E , & la ligne non coupée AB , laquelle il faut coupper en parties semblables & proportionnelles aux parties de la coupée. Soient accommodées icelles lignes données, en sorte qu'elles fassent vn angle BAC , & apres auoir conioint BC , soient menées DF, EG , paralleles à BC , & AB sera semblablement coupée en F & G , comme est coupée AC en D & E , ainsi qu'il est demonsté en la 10. p. 6.



SCHOLIE.


Le mesme se fera aisément avec le compas de proportion, appliquant la ligne coupée sur iceluy, & faisant l'ouuerture de l'extremité d'icelle ligne coupée de la grandeur de la non coupée, & prenant puis apres les ouuertures des parties de la ligne coupée, & les transferant sur la non coupée.

PROBL. LXIII.

D'un point donné en l'un des costez d'un triangle proposé, tirer vne ligne droite qui coupe le triangle en deux également.

Soit le triangle ABC , & le point donné D au costé AC : & il faut de D mener vne ligne droite qui coupe le triangle en deux parties égales.

Que si le point D coupe AC en deux également, ayant mené DB, elle coupera le triangle en deux parties également : Mais si D ne diuise AC en deux également, soit icelle AC coupée en deux également en E, & d'iceluy soit menée EF parallèle à DB, coupant BC en F, & ayant conjoint DF, le triângle ABC sera coupé en deux également par icelle DF. Car ayant mené BE, les triangles FDE, EBF, seront égaux, par la 38. p. 1. ou Axiome 27, puis qu'ils sont sur mesme base EF, & entre mesmes parallèles EF, DB : Adjoustant donc le commun CEF, les tous BEC, CDF, seront égaux : mais BEC est la moitié du tout ABC, donc aussi CDF est la moitié du mesme triangle ABC. Ce qu'il falloit faire.



SCHOLIE.

Il sera aussi fort aisé de trouver le point F, par le moyen du compas de proportion : Car ayant coupé AC en deux également en E. Il ne faut que trouver CF 4. proportionnelle aux trois CD, CE, BC.


PROBL. LXIV.

Couper une ligne droite donnée en deux parties, qui soient entr'elles selon vne raison donnée.

Soit la ligne droite donnée AB, qu'il faut couper en deux parties, qui ayent telle raison entr'elles, que C à D : du point A, soit menée AE faisant angle avec AB, & d'i-

M ij

celle A E soit coupée A F égale à C, & F G égale à D, en apres soit menée B G, & estant tirée H F parallèle à icelle G B, la ligne A B sera coupée en H selon la raison de C à D : comme il est evident par la 2. p. 6. Ce qu'il falloit faire.



SCHOLIE.

Le mesme se fera aussi avec le compas de proportion, sçavoir est transferant la raison donnée sur l'une des jambes, & posant à l'ouverture de l'extrémité d'icelle, la ligne A B, & l'ouverture de l'extrémité de C donnera le segment A H.

D E F.

Raison composée, est lors qu'on prend l'antecedent avec le consequent comme une mesme chose, pour le comparer au mesme consequent.

Mais raison diuisée, est lors qu'on prend l'excès par lequel l'antecedent surpasse le consequent pour le comparer à iceluy mesme consequent.

AXIO. 105. Démonstré en la 17. p. 5.

Si les grandeurs composées sont proportionnelles, icelles diuisées seront aussi proportionnelles.

AXIO. 106. Démonstré en la 18. p. 5.

Si les grandeurs diuisées sont proportionnelles, icelles composées seront aussi proportionnelles.

PROBL. LXV.

D'un point donné au costé d'un triangle, mener une ligne droite qui diuise le triangle en deux segments, selon une raison donnée.

Soit le triangle A B C, & le point donné D, duquel il

faut mener vne ligne droicte qui diuise ledit triangle en deux segmens, selon la raison de E à F. Soit diuisée A C selon la raison donnée en G, puis ayant mené D B soit menée G H parallele à icelle, & soit tirée D H, & icelle couper le triangle en deux segmens, qui seront entr'eux selon la raison donnée: Car estant tirée G B, les triangles G H D, G H B, seront egaux par la 37. p. 1. ou Axiome 37: veu qu'ils sont sur mesme base, & entre mesmes paralleles, & adjoustant le commun A H G, les tous A H D, A B G, seront aussi egaux: parquoy comme A B C sera à A B G, ainsi aussi à A H D, par la 7. p. 5.



ou Axiome 81. Donc en diuisant G B C sera à A B G, ainsi que le trapeze C D H B, au triangle D H A, par la 17. p. 5. qui est l'Axiome 105. & en changeant comme A B G à G B C, ainsi A H D au trapeze C D H B. mais par la 1. p. 6. ou Axiome 84. A B G est à G B C, comme A G à G C: donc aussi A H D sera au trapeze C D H B, comme A G à G C, c'est à dire comme E à F. Ce qu'il falloit faire.

SCHOLIE.

Il sera aisé de trouuer avec le compas de proportion le point H, pour d'iceluy tirer la ligne HD requise: Car il ne faudra que couper AC en G, selon la raison donnée: puis trouuer AH quatrième proportionnelle aux trois AD, AG, AB.

PROBL. LXV.

D'un angle d'un triang. mener vne ligne droicte qui diuise le triangle selon vne raison donnée.

Soit le triangle ABC, & il faut de l'angle B mener vne li-

gne droite qui diuise le triangle selon la raison de D à E. Soit couppe A C costé opposite à l'angle B en F, selon la raison de D à E, puis soit menée BF, & icelle diuise le triangle, selon le requis, comme il est euident par la 1. p. 6. Ce qu'il falloit faire.




SCHOLIE.

Le point F sera aussi trouué avec le compas de proportion, ven qu'avec iceluy se peut faire la mesme construction que dessus.

PROBL. LXVII.

Diuiser vn triangle en tant de parties egales qu'on voudra, d'un point donné en l'un de ses costez.

Soit le triangle A B C, & le point donné D au costé A C, & il faut d'iceluy point D diuiser le triangle en quatre parties egales. Soit menée D B, & couppe A C en quatre parties egales es points E, F, G, & d'iceux soient menées EH, FI, & G K paralleles à DB, & ayant mené D H, I D, D K, le triangle A B C sera diuisé en quatre parties egales. Car il est manifeste par ce qui a esté demonstté au 65. probleme, que le triangle A D H est vn quart de tout le triangle donné: c'est à dire que le triangle A D H est au triangle A B C, comme A E à A C: mais que le triangle A I D est la moitié de tout le triangle A B C, c'est à dire que le triangle A I D est au triangle A B C, comme A F à A C. Finalement que le quadrilatere A B K D comprend les trois quarts de tout le triangle; c'est.



c'est à dire que ABK est au triang. ABC comme AG à AC , dont s'ensuit que DKC est vn quart du mesme triangle ABC . Ce qu'il falloit faire.

S C H O L.

Les trois poinçts H, I, K seront aussi trouuez avec le compas de proportion, sçavoir est, comppant AC en quatre parties egales és poinçts E, F, G , puis trouuant la quatrième proportionelle AH , aux trois AD, AE, AB ; & AI aux trois AD, AF, AB ; & CK aux trois CD, CG, CB .

PROBL. LXVIII.

Diuiser vn triangle donné en autant de parties egales qu'on voudra, par lignes paralleles à l'un de ses costez.

Soit le triangle ABC , qu'il faut diuiser en trois parties egales par lignes paralleles au costé AC : soit couppé AB en trois parties egales és poinçts D & E : puis par le 41. probleme soit trouué BF moyenne proportionelle, entre AB & BE , puis de rechef BG , moyenne proportionelle entre AB & BD . Finalement ayant tiré de F & G les lignes FH, GI paralleles à AC , le triangle ABC sera diuisé en trois parties egales: Car d'autant que le triangle FBH est semblable au triangle ABC , par le Corollaire de la 4. p. 6. les triangles ABC, FBH , seront entr'eux comme AB à BE , par le Cor. de la 19. p. 6. pource que les trois AB, BE, BF , sont costez proportionels: mais BE est vn tiers de AB , donc aussi le triangle FBH est letiers du triangle ABC . Nous demonstrerons en la mesme maniere, que le triangle ABC est au triang. GBI comme AB à BD : car les trois



AB, BG, BD , sont aussi costez proportionels. Parquoy, veu que BD contient les deux tiers de AB , aussi le triangle GBI contiendra les deux tiers du triang. ABC , & partant puis que le triangle FBH est vn tiers du triang. ABC , le quadrilataire $GFHI$ est aussi vn tiers du mesme triangle ABC , & par consequent l'autre quadrilataire $AGIC$ est l'autre tiers d'iceluy triangle ABC . Ce qu'il falloit faire.

SCHOLIE.


Faisant la mesme construction avec le compas de proportion, on trouuera aussi les points F & G , desquels estans tirees les paralleles FH, GI , on aura le requis.

Que si on vouloit diuiser le triangle selon quelque raison donnée, il ne faudroit que couper AB selon icelle raison, puis apres paracheuer le tout comme dessus.

PROBL. LXIX.

D'un rectiligne donné, oster vne partie demandée en telle sorte toutes fois, que l'osté & aussi ce qui restera soit semblable & semblablement posé à vn rectiligne donné.

Soit le rectiligne donné A , duquel il faut oster la troisiéme partie, laquelle soit semblable & semblablement posée au rectiligne B , & le reste soit aussi semblable & semblablement posé au mesme rectiligne B . Soit construit le rectiligne CD egal à A , mais semblable & semblablement



posé à B, & sur son costé CE soit descript vn demy cercle CFE; puis ayant pris CG troisiéme partie de CB, soit tirée GF perpendiculaire à CB, & estant tirées les lignes CF, EF, soient construits sur icelles les rectilignes HF & FI semblables & semblablement posés à B ou CD. Je dis que le rectiligne HF est la troisiéme partie de CD ou de A, & le rectiligne FI le reste, & icelles figures estre semblables & semblablement posées à B: Car puis que par la 31. p. 3. ou 1. Axiome, l'angle CFE est droit, le rectilig. CD sera egal aux rectilignes HF, FI, par la 31. p. 6. qui est l'Axiome 92. & partant si on oste le rectiligne HF semblable & semblablement posé à B de CD, c'est à dire de A, restera le rectiligne FI, aussi semblable & semblablement posé à iceluy B. Or par la 8. p. 6. & 91. Axiome, les triangles EGF, CFE, sont semblables, & partant par la 4. p. 6. ou Axiome 87. comme EG à GF, ainsi EF à CF: mais EG est à GC en raison doublée de EG à GF; car les trois lignes EG, GF, CG, sont proportionnelles par le Corollaire de ladite 8. p. 6. Item le rectiligne IF est aussi au rectiligne HF en raison doublée des costez homologues EF, CF, par la 20. p. 6. qui est l'Axiome 98. & partant comme EG à CG, ainsi le rectiligne FI au rectilig. HF: donc en composant comme CE à CG, ainsi les deux rectilignes FI, HF ensemble: c'est à dire CD au rectiligne HF; mais CE est triple de CG par la construction: donc aussi le rectiligne CD sera triple du rectiligne HF; & partant iceluy HF est la troisiéme partie de CD, ou de A. Ce qu'il falloit faire.

SCHOL.

Les costez des deux rectilignes HF, FI, seront aussi trouvez avec le compas de proportion, sçavoir est trouvant premierement les costez de CD, puis


M ij

ayant coupé CG , trouvant G *F* moyenne proportionnelle, puis après CF , & FE : & finalement CH , & EI .

PROBL. LXX.

Eftans données deux figures rectilignes, en trouuer vne troisieme à icelles proportionnelles.

Soient donnés les deux rectilignes A & BCD , auxquels il en faut trouuer vn troisieme proportionel, soit constitué le rectiligne $EF G$, egal à A , mais semblable & semblablement posé à BCD , puis soit trouué HI troisieme proportion. aux costez homologues EF , BC , & estans sur icelle HI constitué le rectiligne HIK , semblable & semblablement posé à BCD ; iceluy sera troisieme proportionel aux donnés: Car puis que EF , BC , HI , sont proportionels, les rectilignes $EF G$, BCD , HIK , descrites sur icelles lignes, seront aussi proportionels par la 22. p. 6. qui est le 100. Axiome: donc puis que $EF G$ est egal à A , les rectilignes A , BCD , HIK seront aussi proportionels. Ce qu'il falloit faire.



SCHOLIE.


Veu que la mesme construction que dessus, se peut faire avec le compas de proportion, les costez du rectiligne HIK seront trouués avec iceluy.

PROBL. LXXI.

Eftans donnés trois rectilignes, en trouuer vn 4. proport. à iceux.

Soient les trois rectilign. donnés A , BCD , $EF G$, auxquels

il en faut trouuer vn quatrième proportionel. Soit cōstruit le rectiligne HKI egal à A , mais semblable & semblablement posé à BD , puis estant trouué LM quatrième proportionel aux trois lignes $I H, B C, E F$, soit construit sur icelle LM , le rectiligne LNM semblable & semblablement posé à $E G F$, & iceluy sera le quatrième proportionel requis : Car puis que les 4. lignes $H I, B C, E F, L M$, sont proportionelles, les figures seblables & semblablement posées sur icelles, seront aussi proportionelles par la 22. p. 6. ou Axiome 100. Veu donc que $H K$ est egal à A , les quatre rectilignes $A, B D, E G F, L N M$, seront aussi proportionels. Ce qu'il falloit faire.




SCHOLIE.

Veu que la mesme construction que dessus, se peut faire avec le compas de proportion, les costez du rectiligne $N O P$ seront trouuez avec iceluy.

PROBL. LXXII.

Estans donnés deux rectilignes, en trouuer un moyen proportionel.

Soient donnés les deux rectilignes A & $B D$, auxquels il en faut trouuer vn moyen proportionel. Soit construit le rectiligne EFG semblable & semblablement posé au rectiligne $B D$, mais egal au rectiligne A ; puis estant



D. Soit construit le rectiligne EG egal à A , mais semblable & semblablement posé à D , puis estant diuisé EH en I selon la raison de B à C , soit descript sur icelle EH le demy cercle EKH , & de I soit menée perpendiculairement Ik , puis estant menées les lignes $E k$, $H k$, soient descripts sur icelles les rectilignes EL , HM , semblables & semblablement posés à D , & icelles seront les rectilignes requis: Car l'angle $E k H$, estant droit par la 31. p. 3. les rectilignes EL , HM , seront egaux au rectiligne EG par la 31. p. 6. ou Axiome 92. puis qu'ils sont entr'eux semblables & semblablement descripts, & par la 4. p. 6. ou Axiome 87. comme $E I$ est à $I k$, ainsi $E k$ à $k H$: car les triangles sont semblables, mais $E I$ est à $I H$ en raison doublée de la raison de $E I$ à $I k$, d'autant que $E I$, $I k$, $I H$, sont proportionelles par le Corollaire de la 8. p. 6. Item EL est à HM en raison doublée des costez homologues $E K$, $K H$, par la 20. p. 6. ou 98. Axiome: donc comme $E I$ sera à $I H$; c'est à dire B à C , ainsi EL à HM . Ce qu'il falloit faire.

SCHOLIE.

Les costez des deux rectilignes EL , HM , seront aussi trouués avec le compas de proportion, sçavoir est premierement les costez de EG , puis ayant couppe EH selon la raison de B à C , sera trouué la moyenne proportionnelle Ik . puis apres les costez $E k$, $H k$, & finalement les costez $k L$, $k M$.

PROBL. LXXIV.

Construire deux rectilignes egaux à vn rectiligne donné, mais semblables & semblablement descripts à quelconque rectiligne, & que les costez homologues d'iceux, soient entr'eux selon vne raison donnée.

Soient donnés le rectiligne A , & la raison de B à C , & il

comme B à C, ainsi F k L, à H k M. Ce qu'il falloit faire.


SCHOLIE.

Les costez des rectilignes F k L, H k M, seront aussi trouvez avec le compas de proportion, faisant avec iceluy la mesme construction que dessus, & estans bien entendus les Scholies des Problemes precedens.

PROBL. LXXV.

Descrire vn rectiligne semblable & semblablement posé à vn rectiligne donné, plus grand ou moindre selon vne raison donnée.

Soit le rectiligne donné A B C: & il en faut descrire vn plus grand, semblable & semblablement posé, selon la raison de D à E. Soit trouué F quatrième proportionele aux trois D, E, A B, puis G H moyen proportionele entre A B, F, sur laquelle G H, soit descript le rectiligne G H I semblable & semblablement posé à A B C, & il sera le rectiligne requis: Car puis que les trois lignes A B, G H, & F sont proportionelles, comme A B sera à F, c'est à dire comme D à E, ainsi le rectiligne A B C au rectiligne G H I, par la 19. p. 6. ou 97. Axiome. Ce qu'il falloit faire.



Non autrement, faudroit-il proceder pour descrire le rectiligne G H I moindre que A B C, selon la raison de E à D, & semblable & semblablement posé à iceluy A B C.

SCHOL.

Veu que la mesme construction que dessus se peut faire avec le compas.

de proportion, il est manifeste qu'avec iceluy seront trouvez les costez du rectiligne GHI .

Or par cette mesme maniere, nous constituerons vn quarré, ou quelconque autre rectiligne, double d'un autre donné, ou triple, ou quadruple, &c. ou bien qui soit moitié, tiers, ou quart, &c. Car si on prend la raison de D à E , comme 1 à 2 , ou 1 à 3 , ou 1 à 4 . ou bien comme 2 à 1 , ou 3 à 1 , ou 4 à 1 , &c. en paracheuant comme dessus, on aura vn rectiligne semblable & semblablement posé au donné, & double, ou triple, ou quadruple, &c. ou bien moitié, tiers, ou quart, &c. d'iceluy.

Cette augmentation ou diminution se fera encore plus promptement, comme ensuit. Si on veut descrire vn rectiligne semblable, & semblablement posé à ABC , m'en moitié d'iceluy. Soit prise la ligne D , moitié de AB , (ou bien tiers, quart, double, triple, &c. selon le requis) & ayant trouué GH , moyenne proportionnelle entre AB & D , soit descript sur icelle le rectiligne GHI , semblable, & semblabl. posé à ABC , & iceluy sera moitié de ABC .

Car puis que les trois lignes AB , GH , D sont proportionnelles, AB sera à D en raison doublée de AB à GH : mais les rectilignes ABC , GHI sont aussi en raison doublée de leurs costez homologues AB , GH ; il y a donc mesme raison de AB à D , que de ABC à GHI : mais AB est double de D : Donc ABC est aussi double de GHI , ainsi qu'il falloit faire.

Ces se fera aussi facilement avec le compas de proportion, s'aidant de la ligne des plans en cette maniere. Soit pris AB , & soit posée à l'ouverture du deuxieme plan, (puis que nous voulons vn plan qui soit moitié de ABC) & l'ouverture du premier plan donnera GH , mais ayant posé AC , à ladite ouverture du deuxieme plan, l'ouverture du premier donnera GI , & ainsi des autres costez.

PROBL. LXXVI.

Estant donné vn rectiligne, en trouuer vn autre egal à iceluy, & dont les costez soient entr'eux selon vne raison donnée.

Soit donné le rectiligne A : & il en faut construire vn autre egal. à iceluy, mais dont les costez soient entr'eux selon la raison de B à C .



Soit fait vn parallelogramme de B & C, puis soit descript le parallelogramme D E F egal au rectiligne A, mais semblable à celuy de B & C, & iceluy sera le requis, comme il est euident par la construction.

SCHOLIE.

D'autant que la mesme construction se peut faire avec le compas de proportion, les costez de D F seront trouvez avec iceluy.

Or en la mesme maniere, nous descrirons vn rectiligne egal à vn rectiligne donné, & donc les costez soient entr'eux selon vne proportion donnée, sçauoir est, constituant le rectiligne, d'autant de costez qu'il y aura de termes en la proportion, & proportionnaux ausdits termes.

PROBL. LXXVII.

Estans donnez deux rectilignes, & vne ligne droicte; trouuer vne autre ligne droicte, à laquelle soit la donnée comme l'un des rectilignes donnez à l'autre.

Soient donnez les deux rectilignes A B C & D, & aussi la ligne droicte E: & il faut trouuer vne autre ligne droicte, à laquelle soit E, comme le rectiligne A B C, au rectilig. D.

Soit construit le rectiligne F G H egal à D, mais semblable à A B C, puis soit trouuée I, troisième proportionnelle aux costez homologues A B, F G; & K quatrième proportionnelle aux trois A B, I, E, laquelle sera la ligne requise.

Car puis que par la construction A B, F G, I, sont proportionnelles, A B sera à I, comme le rectiligne A B C est au rectiligne F G H, par le Corollaire de la 19. p. 6. mais A B C



est à I , comme E à K ; donc comme le rectiligne ABC est au rectiligne FGH , c'est à dire D , ainsi la ligne E est à la ligne K . Ce qu'il falloit faire.


SCHOL.

La mesme ligne k sera aussi trouuée avec le compas de proportion: veu que la mesme construction que dessus se peut faire avec iceluy.

PROBL. LXXVIII.

Estant donné vn quarré, descrire dans iceluy vn autre quarré selon vne raison donnée d'inegalité majeur, laquelle ne soit toutesfois plus grande que double.

Soit donné le quarré $ABCD$, dans lequel il faut descrire vn autre quarré auquel celuy donné, soit selon la raison de E à F . Soit trouué vn quarré, auquel le donné soit comme E à F . Du centre G & interualle de la semidiagonalle d'iceluy quarré trouué, soit descript vn cercle lequel couppera les costez du quarré donné, és poinçts H, I, K, L, M, N, O, P , & estans menées les quatre lignes droi-
 Hk, kM, MO, OH , le quadrilatre $HkMO$, sera le requis. Car estant descript du centre G vn cercle à l'entour du quarré $ABCD$, & tiré de G aux costez AB, AD , les perpendiculaires GQ, GR , tant les lignes AB, AD , que HI, OP , seront couppées par la 3. p. 3. ou Axiome 33. en deux également en Q & R : & pour ce que AB, AD , sont egales elles se-



ront par la 14. p. 3. ou Axio. 44. egalem. distâtes du centre G: & partant aussi HI, OP , egalem. distantes du mesme centre: donc aussi egales par la mesme 14. p. 3. & partant aussi egales leurs moitiés: mais aussi egales sont les moitiés de AB, AD : ostant donc ces moitiés là de celles-cy, resteront $AH, AFBI, DO$, egales. par mesmes raisons, on prouuera que BK, CL, CM, DN , sont aussi egales entr'elles, & à icelles AH, AP, BI, DO . Item, puis que HI, OP , sont egales, si on leur adjouste les egales IB, PA , les routes BH, AO , seront egales: & pour mesme cause Ck & DM seront aussi egales entr'elles, & à icelles BH, AO , & puis que les deux costez AO, AH , sont egaux aux deux costez BH, Bk , & les angles compris d'iceux, egaux; les bases HO, Hk , seront egales par la 4. p. 1. ou Axiome 10. & en la mesme maniere seront démontrées kM, MO , egales entr'elles & aux deux HO, Hk : donc le quadrilat. Hk, MO , est equilateral. Je dis qu'il est aussi rectangle: Car puis que les costez HK, KM, MO, OH , sont egaux, les arcs qu'ils soustiennent seront aussi egaux, par la 2. p. 3. ou Axiome 56. & partant ils seront chascun la quatrième partie du cercle: donc OHK, HKM, KMO, MOH , sont demys cercles, & partant par la 31. p. 3. ou Axiome 1. les 4. angles H, K, M, O , sont droicts: donc $HKMO$ est vn quarré auquel le donné est comme E à F : car iceluy $HKMO$ est egal à celuy-là trouué en cette raison, vcu qu'un mesme cercle circonferoit l'un & l'autre. Ce qu'il falloit faire.

SCHOLIE.


Les points H, K, M, O seront aussi trouués avec le compas de proportion: Car ayant trouué avec iceluy, le costé du quarré qui soit au donné, selon la raison de E à F , & faisant la demy diagonale d'iceluy quarré trouué, l'hypothé-

use d'un triangle rectangle, & la moitié de AB , l'un des deux autres costés sera aisément trouué le troisième H 2. & par conséquent nous aurons facilement les points H, k, M, O .

PROBL. LXXIX.

Descrire vn quarré dans quelconque triangle donné.

Soit le triangle ABC , dans lequel il faut descrire vn quarré: del'angle A soit tirée la ligne AD perpendiculairement à BC , qui tombe dans le triangle, & soit icelle AD coupée en E , tellement que AE soit à ED comme AD à BC , puis par E soit menée FG parallele à BC ; & finalement estant menée de F & G , FH & GI paralleles à AD . Je dis que le rectiligne $FGIH$ sera vn quarré inscrit au triangle ABC . Car d'autant que FG est parallele à BC , le triangle AFG est semblable au triangle ABC , & AD coupe iceux triangles en autres triangles semblables, chacun au sien: c'est à dire, AFE à ABD , & AGE à ADC , & partant comme BD sera DC , ainsi FE à EG , & en cōposant cōme BC à DC , ainsi FG à EG : mais comme CD à DA , ainsi GE à EA ; donc par la 22. p. 5. ou Axiome 96. en raison egale, comme BC à AD , ainsi FG à AE : mais pource que par la construction comme AD est à BC , ainsi AE à ED , derechef en raison egale, cōme BC à BC , ainsi FG à ED . Or BC est eg. à BC , donc FG est egale à ED : & pource que par la 34. p. 1. ou Axiom. 23. FG est egale à HI , & ED à icelles FH, GI , les quatre costez FG, GI, IH, HF , seront egaux entr'eux. Et par la 29. p. 1. ou 6. Axiome, les ang. EDH, FHD sont egaux à deux droicts: mais EDH est droit par la construction:



FHD est donc aussi droit, & par consequent les autres angles HFG, FGI, G IH, seront pareillement droits, par ladite 34. p. 1. & partant HG est quarrée. Ce qu'il falloit faire.


SCHOLIE.

Le costé d'iceluy quarré, ensemble les poincts F, G, H, I, seront aussi trouvez avec le compas de proportion : couppant premierement la hauteur AD en E, selon la raison de AD à BC, puis trouvant AF quatrième proportionelle à BC, BA, ED; & AG à BC, CA, ED : puis le compas estant à angle droit, nous trouverons aisément BH : & par consequent BI.

PROBL. LXXX.

Dans vn triangle donné, descrire vn parallelogramme rectangle egal à vn parallelogramme donné, lequel ne soit plus grand que la moitié du triangle donné.

Soit le triang. ABC, & le parallelog. donné BD, duquel le costé BD coupe l'un ou l'autre costé du triangle, comme AC en F : (que si le parallelogramme BD donné n'estoit rectangle, & disposé, comme il est icy sur l'un des costez du triangle, il luy faudroit reduire; c'est à dire, faire sur BC le rectangle BDEgal au donné.) Soit couppé le costé AC en G, tellemēt que le rectang. de AGC soit egal au rectangle de ACF; en apres de G soit tirée GH parallele à BC, puis de G, H soient menées les perpendiculaires GI, HK, & le parallelogramme GHKI sera le requis: car puis que le rectangle de ACF est egal au rectangle de AGC, par la 14. p. 6. comme AC est à AG, ainsi C à CF, & par la 4. p. 6. comme AC à BC, ainsi AG à GH, & comme GC à GI, ainsi CF à CD, & comme AC à AG, ainsi



BC à GH, & comme GC à CF, ainsi GI à DC: donc par la 9. p. 5. comme BC à HG, ainsi GI à CD, & partant par la 16. p. 6. le rectangle de BCD est égal au rectangle de HGI. Ce qu'il falloit faire.

SCHOLIE.

Les points G, H, I, K, seront trouvez avec le compas de proportion: Car trouvant de combien de degrez est l'angle ACB, nous aurons son supplément DCF, & par conséquent aussi CFD, qui est égal à iceluy ACB; & partant les angles, & le costé CD du triangle, nous serons connus: donc aussi les costez CF & FD: puis ayant compté AC en G cômte dit est, soient trouvez AH quatrième proportionelle à AC, AG, AB, & CI à CF, FD, GC, & K sera par conséquent aussi donné.

PROBL. LXXXI.

Estans donnés des triangles rectangles, trouver des lignes droistes qui soient entr'elles en mesme raison, & ordre que sont les triangles.

Soient donnés les trois triangles rectilignes A, B, C; & il faut trouver trois lignes droistes qui soient entr'elles en mesme raison, & ordre qu'iceux triangles.

Soit fait le parallelogramme DF égal au triangle A, puis sur la ligne EF, soit fait le parallelogramme EH égal au second triangle B, & ayant l'angle FEG égal à l'angle D, & finalement sur la ligne GH, soit fait le parallelogramme HI égal au triangle C, & ayant l'angle HGI égal à l'ang. D, & les bases DE, EG, GI, seront entr'elles comme les triang. donnez.

Car icelles bases sont entr'elles comme les parallelogrammes par la 1. p. 6. mais les parallelogrammes sont par la construction



struction egaux aux triangles donnez A, B, C: donc comme A est à B, & B à C, ainsi D E est à E G, & E G à G I. Ce qu'il falloit faire.

SCHOLIE.

Les mesmes lignes seront aussi trouuées avec le compas de proportion: ven qu'avec iceluy on peut faire la mesme construction que dessus.

Or il est manifeste qu'estant proposées deux ou plusieurs figures rectilignes, se pourront trouuer des lignes droictes qui seront entr'elles comme celles figures rectilignes. Car icelles figures estans diuisees en triangles, on trouuera les lignes d'iceux comme dessus, & celles des triangles de l'une desdites figures, estans adjoinctes ensemble, seront aux lignes adjoinctes de l'autre figure, comme vne figure à l'autre.

PROBL. LXXXII.

Coupper vne ligne droicte donnée, tellement que les segmens soient entr'eux comme des figures rectilignes données.

Soit donnée la ligne droicte A B, qu'il faut coupper en sorte que les segmens soient entr'eux comme les deux figures rectilignes données C & D.

Soient trouuées les deux lignes E F, & F G qui soient entr'elles comme C est à D: puis soit fait que comme E F est à F G, ainsi A H soit à H B, & la ligne A B sera couppée en H, ainsi qu'il estoit requis. Car puis que comme C est à D, ainsi E F est à F G, & comme E F est à F G, ainsi A H est à H B; comme C est à D, ainsi A H est à H B. Ce qu'il falloit faire.



SCHOLIE.

Ladite ligne A B sera aussi couppée en H selon le requis avec le compas de proportion: ven que sur iceluy se peut faire la mesme construction que dessus.

P

Estans donnez la somme des extremes, & la moyenne des trois proportionnelles, discerner les extremes.

Soient données les deux lignes AB & C , desquelles AB est l'aggrégé des extremes de trois proportionnelles, & C la moyenne: & il faut discerner iceux extremes.

Soit décrit sur AB vn demy cercle, puis au point A esleué la perpendiculaire AE égale à C , & du point E , soit menée EF parallele à AB , couppant la circonference au point F , duquel point soit menée FG perpendiculaire à AB , & icelle discernera les extremes requis, qui seront AG , GB . Car il est manifeste qu'elle est moyenne proportionnelle entre icelles AG , GB , & égale à AE , c'est à dire à C .



C O R O L L.

Il est evident, que la somme des extremes estant donnée, & vn rectiligne egal au rectangle des extremes, seront facilement trouvez les extremes: car il n'y a qu'à trouver le costé d'un quarré egal au rectiligne donné, puis faire comme dessus.

S C H O L I E.

Les mesmes extremes AG , GB , seront aussi trouvez avec le compas de proportion: Car nous auons AD , ou DF , & GF ou C , qui sont deux costez d'un triangle rectangle, & partant l'autre costé DG sera trouué; & par consequent le reste AG .

Or ce Probleme se proposera encore ainsi: Estans données deux lignes droictes, dont l'une ne soit moindre que le double de l'autre, couper la plus grande en sorte que la moindre soit moyenne proportionnelle entre les segments d'icelle.

P R O B L. LXXXIV.

Estans données la moyenne de trois proportionnelles, & la difference des extremes, trouuer les extremes.

Soient données les deux lignes AB & BC , dont AB est

la difference des extremes de trois proportionnelles, & BC la moyenne, & il faut trouver les extremes.

Ayant posé icelles AB, BC à angle droit, soit prolongée AB de part & d'autre interminée, & coupée en deux également en D , & de ce point D , & intervalle DC soit décrit le demy cercle ECF , & les lignes EB, BF seront les requises.



Car BC est moyenne proportionnelle entre icelles, & puis que ED, DF , sont égales, & AD, DB aussi égales, AE, BF seront pareillement égales, & partant AB est la difference d'icelles EB, BF : elles sont donc les extremes requises.

COROL.

Il est manifeste que la difference des extremes étant donnée, & un rectangle égal au rectangle des extremes, les extremes seront facilement trouvées; car il n'y aura qu'à trouver le côté d'un carré égal au rectangle donné, puis faire comme dessus.

SCHOLIE.

Les lignes BE, BF seront aussi trouvées avec le compas de proportion: car nous avons deux côtés d'un triangle rectangle, & partant l'autre côté DC sera trouvé, duquel ôtant DB , restera BF , mais l'adjoûtant, nous aurons BE .

Or ce Probleme se peut encore construire & proposer en diverses autres manieres.


PROBL. LXXXV.

Étant donnée une ligne droite, la couper en trois segments inégaux proportionnaux.

Soit la ligne droite donnée AB , qu'il faut couper en trois segments inégaux proportionaux.

Soit coupée A C moindre que le tiers d'icelle AB , puis

soit décrit sur l'autre segmēt CB vn demy cercle, en apres du poinct C, soit menēe perpendicul.
 CD, egale à AC, puis du poinct D soit
 menēe DE parallele à CB, couppāt la
 circonfer. en E, duquel poinct E soit
 menēe EF perpendiculaire à CB, & icelle EF couppera
 CB en deux segmēs CF, FB, entre lesquels AC est moyen-
 ne proportionnelle, & partant AB est couppée en trois seg-
 mens inegaux proportionaux és poincts C & F, ainsi qu'il
 estoit requis, dont la demonstration est manifeste.



SCHOLIE.

Les susdits segmens seront aussi trouuez facilement avec le compas de proportion, mettant icelle AB à l'ouuerture de quelque nombre, prouenant de l'addition de trois nombres proportionaux: comme pour exemple, sur le nombre 190, qui est la somme de ces trois nombres 40, 60, 90, qui sont en raison sous-sequalterre, & les ouuurer de 40, 60, 90, donneront les segmens requis.

Or il est manifeste qu'il est aisé de couper vne ligne droicte avec le compas de proportion, en tant de segmens proportionaux & en telle raison qu'on vendra: car si n'y a qu'à transferer ladite ligne donnée à l'ouuerture d'un nombre, prouenant de l'addition d'autant de nombres, qui soient entr'eux, selon la raison proposée, comme seront requis de segmens.

FIN.

Cette Geometrie contenoit quatre liures, dont il y auoit 200. Problemes en ce premier: mais l'Autheur d'icelle ayant decouuert quel impression s'en faisoit à son desceu, en a empesché la continuation, c'est pourquoy nous auons mis fin en cēt endroit: Et toutes-foi afin que cette Geometrie pratique ne demeurast imparfaicte, nous y auons joint celle d'Errard, corrigée, & de beaucoup augmentée, ainsi qu'on recognoistra conserant les precedentes editions à celle-cy.

VA-1 1519274